

續文獻通考

卷一九一——一九五

保  
5266  
70-53



門 4 保 4  
號 5266  
卷 70-53

續文獻通考卷之一百九十一

皇明進士雲間王圻纂輯

封建考 宋寧宗以後封 遼

宋

同姓封爵

希懌字伯和太祖子燕懿王德昭八世孫由進士累官昭  
信軍節度使開府儀同三司寧宗嘉定五年封成國公  
希言字若訥燕懿王後令廣元孫由進士累官軍器少監  
嘉定十七年封越國公

與權字悅道燕懿王八世孫嘉定七年進士累官安德軍  
節度使開府儀同三司萬壽觀使卒後追封奉化郡王

續文獻通考

卷之二百九十一

一

與芮燕懿王後希廬之子理宗弟理宗時封榮王度宗咸淳三年進封福王恭帝德祐元年授浙東安撫大使後俘於北

貴謙理宗近屬淳祐三年嗣封沂王

希館字吾錫舊名希喆慶元二年進士理宗時為潭州觀

察使以公族近邸恩特加厚慈明宮上壽陞節度封信

安郡公卒後追封信安郡王

師岳太祖子秦康惠王德芳後伯圭子嘉定十七年嗣封

秀王

師彌伯圭子理宗寶慶元年嗣封秀王

汝愚字子直太宗子元佐七世孫居餘干光宗未擁立寧

宗有安社稷功為韓侂胄誣貶而死侂胄誅追封沂國

公理宗時追禡王又進封周王

安懿王於寧宗時襲封臣僚上言雖有擇高年行尊之文

然高宗朝儀王仲湜以德望俱隆越仲琮而選拜武德

郎黼次當襲封以官卑乃命士儂權奉祠事越十六年

始正士儂之封是亦不拘定制也乞自今應封者大

宗司銓量都堂審察閣門引見然後奏取進止寧宗然

之

不熄安懿王玄孫理宗寶慶元年五月嗣封濮王

不壇安懿王玄孫端平元年正月嗣封濮王

善珊安懿王五世孫淳祐十年五月嗣封濮王

善騰安懿王五世孫寶祐三年十二月嗣封濮王

善湘字清臣安懿王五世孫父武翼郎不陋從高宗渡江

聞明州多名儒徙居焉登慶元二年進士嘉定十七年

拜大理少卿進右文殿脩撰知鎮江府封祥符縣男賜

食邑寶慶二年進封子加食邑紹定三年進封伯加食

邑又進煥章閣學士江淮制置使許便宜討李全四年

進封侯加食邑五年兩加食邑後進大學士提舉洞霄

宮封天水郡公

異姓封爵

留正字仲至永春人紹興中進士紹熙元年拜左丞相封

魯國公寧宗嘉泰元年進封魏國公

謝深甫字子肅台州臨海人寧宗慶元元年拜右丞相封

岐國公護光宗山陵還改封魯國公後以女孫為理宗

后追封信王易封魯衛

史浩字直翁明州鄞縣人紹興中進士後位宰相封魏國

公又封會稽郡王寧宗嘉定十四年追封越王

趙方字彥直衡山人淳熙八年進士理宗時知襄陽府與

金戰有功封長沙縣男賜食邑

李舜臣字子思隆州井研人乾道中進士理宗時以子性

傳官二府贈太師追封崇國公

崔與之字正子廣州人紹熙四年進士理宗嘉熙三年以

觀文殿大學士提舉洞霄宮累封至南海郡公

楊簡字敬仲慈溪人乾道五年進士理宗寶慶元年以寶謨閣直學士轉朝議大夫慈溪縣男

孟珙字璞玉隨州棗陽人理宗嘉熙元年封隋縣男四年進封子與元戰有功進封漢東郡侯淳祐二年進漢東郡公卒後贈太師封吉國公

史彌遠字同叔浩之子淳熙十四年進士以擁立理宗官至太師左丞相兼樞密使由鄞縣男累封會稽郡王追封衛王

鄭清之字德源慶元鄞縣人嘉泰十年進士以擁立理宗官至太師左丞相兼樞密使由申國公累封齊國公追封魏郡王

史嵩之字子由彌遠之姪嘉定十三年進士官至右丞相兼樞密副使由鄞縣男累封永國公加食邑卒後贈少師追封魯國公

董槐字庭植濠州定遠人嘉定六年進士官右丞相兼樞密使由定遠縣男封濠梁郡公後進封吉國公又進許國公

葉慶鼎字鎮之台之寧海人太學優等出身官至少傅右丞相兼樞密使景定元年賜寧海縣食邑累進封臨海郡公度宗咸淳五年進封信國公不拜

葛洪字容父婺州東陽人淳熙十一年進士嘉定間累官參知政事封東陽郡公

袁韶字彥淳慶元鄞人淳熙十三年進士紹定中拜參知政事後以郊恩累贈太師越國公

吳淵字道父秘閣脩撰柔勝第三子嘉定七年進士累官少師參知政事封金陵侯復進爵為公

丁大全字子萬鎮江人嘉熙二年進士面藍心險累官右丞相兼樞密使始封丹陽郡侯進封公

喬行簡字壽朋婺州東陽人紹熙四年進士嘉熙三年拜平章軍國重事肅國公四年加少師保寧軍節度使醴

泉觀使魯國公

范鍾字仲和婺州蘭溪人嘉定二年進士嘉熙五年特拜左丞相兼樞密使封東陽郡公

洪似字景仁利路提點刑獄仲鴻之子嘉定十四年進士累官右丞相兼樞密使始封南充縣伯後進爵國公

趙葵字南仲京湖制置使方之子少從父以軍功進淳祐九年特授樞密使兼參知政事督視江淮京西湖北軍馬封長沙郡公累封信國公景定元年進封魯國公咸淳元年進封冀國公

謝方叔字德方威州人嘉定十六年進士淳祐九年拜參知政事封永康郡侯十一年拜左丞相兼樞密使進封惠國公

吳潛字毅夫宣州寧國人柔勝之季子嘉定十年進士第官至左丞相兼樞密使始封金陵郡侯後進慶國公許

國公貶卒于循州

程元鳳字申甫徽州人紹定中進士寶祐三年拜若丞相兼樞密使進封新安郡公度宗即位拜少傅進封吉國公

江萬里字子遠都昌人理宗時以太學舍選出身度宗時拜參知政事進封南康郡公後家居死節贈太傅益國公尋加太師

文天祥字端又字履善吉水人理宗時舉進士第一德祐時興義兵為恢復計不遂衛王繼立於嶺南加少保封信國公

薛極字會之常州武進人以父任出仕復中宏詞科紹定元年知樞密院事兼參知政事封毗陵郡公

余天錫字淳甫慶元昌國人嘉定十六年進士有授立理宗功嘉熙二年拜參知政事兼同知樞密院事封奉化郡公其母朱氏嘗為理宗沐浴教字封周楚國夫人應儼字之道慶元昌國人嘉定十六年進士淳祐九年拜參知政事封臨海郡侯

徐清叟字直翁煥章閣學士應龍之子嘉定七年進士淳祐九年拜端明殿學士僉書樞密院事進同知樞密院事封晉寧郡公

王埜字之文寶章閣待制介之子以父廕補官登嘉定十二年進士寶祐二年拜端明殿學士僉書樞密院事封

吳郡侯

張璠字渭老福州人嘉定四年進士寶祐五年拜參知政事進封長樂郡公

馬天驥字德夫衢州人紹定二年進士寶祐四年拜端明殿學士同僉書樞密院事封信安郡侯

皮龍榮字起霖一字季遠潭州醴陵人淳祐四年進士景定四年以資政殿大學士提舉洞霄宮初封醴陵縣男後進封伯又封壽沙郡公

包恢字宏父建昌人嘉定十三年進士度宗即位時知紹興召為刑部尚書進端明殿學士僉書樞密院事封南城郡侯

常挺字方叔福州人嘉熙二年進士咸淳三年授同知樞密院事兼權參知政事封合沙郡公

陳宗禮字立之慶元定海人淳祐四年進士度宗時以權參知政事卒贈開府儀同三司盱江郡侯

程秘字懷古徽州休寧人紹興四年進士寧宗時以端明殿學士卒初封休寧縣男進子後封新安郡侯

楊大異字同伯唐天平節度使漢公之後家於醴陵嘉定十三年進士仕終秘閣脩撰大中大夫提舉崇禧觀醴陵縣開國男食邑三百戶賜紫金魚袋歸里

魏了翁字華父蒲江人慶元五年進士嘉熙元年以資政殿大學士通奉大夫致仕卒詔贈太師謚文靖賜第宅



蘇州累贈秦國公

張世傑范陽人少從張柔有罪奔宋從呂文德後獨引兵勤王帝昺時拜少傅樞密副使封越國公死節于海中理宗淳祐元年追封先儒周惇頤汝南伯程顥河南伯程頤伊川伯張載鄆伯寶慶元年追封朱熹信國公改徽國公

外戚封爵

韓侂胄字節夫琦曾孫也父誠娶高宗憲聖吳皇后女弟仕至寶寧軍承宣使侂胄娶憲聖吳皇后姪女以父任入官立寧宗有功寶慶四年封豫國公復封平原郡王驕恣縱惡後斬其首畀金人

楊石次山字仲甫恭聖仁烈皇后兄紹興上虞人以誅韓侂胄加開府儀同三司尋進少保封永陽郡王後改封會稽郡王卒贈太師追封冀王

楊石次山子嘉定元年封信安郡侯十五年進封開國公理宗立有功封永寧郡王後進封魏郡王

賈似道字師憲台州人制置使涉之子以父廢補嘉興司倉會其姊入宮有寵於理宗為妃寶祐二年加同知樞密院事臨海郡開國公欺君誤國安置循州為鄭虎臣所殺

藩鎮

寧宗時知潼川府魏了翁上言藝祖皇帝自大難永平首

創唐末五季之弊外召藩鎮以還京師臨遣廷紳以爲  
牧守天下莫不仰伏威斷之明然而守邊之臣則久其  
考任假以事權固不與內郡同也未幾而初意漸失極  
于此歲承平日久吳曦盈尺之紙足以驚奔列雉李元  
勵烏合之衆足以振擾三道張福千人之衆足以披靡  
群辟虜闖梁洋三泉如履平地虜闕斬黃五關如升虛  
邑嗟夫強幹弱枝之弊乃至此極是烏得無以變通之  
乎臣嘗歷觀中興諸臣如李綱嘗欲分長安襄陽建康  
爲三都胡舜陟嘗欲析三京關陝爲四巨鎮張守嘗欲  
以大河州郡倣唐藩鎮付之帥守范宗尹嘗欲分畫諸  
鎮更不除代李彌遜嘗欲假帥守事權以銷姦宄雖多

事之時與今日平世事體稍異然郡國削弱之弊則一  
年間如一日也况今所恃以爲捍蔽者莫重於四鎮曰  
江南曰兩淮曰荆襄曰四川使三邊不警則尚可以紓  
歲月之安而金夏蒙鞞局勢寢異殘寇未殄又生他寇  
四鎮之寄益非歲比自比以來朝廷垂意乎此責之專  
而任之久若知所以重其事矣然而其要又在於擇人  
苟非其人則責之專反以益其過任之久反以厚其毒  
旣得人矣則當假以遂事之權聽其所爲勿從中制本  
道官吏惟其所辟置要害之地守令可以委任責成則  
久其考任而就加爵秩焉省部皆毋拘以文法也財賦  
得以專其出入他司不得尚循舊比以掣其肘也軍籍

得以覈其虛實戎司不得掩虛額以自豐也屯田當復  
民兵當核忠義當招皆可以隨宜經理也規模既立則  
如國初守邊之臣或十七八年或廿四五年或八九年  
無所改易可也稽其勞效而即鎮遷拜自從臣以上雖  
貴極公師可也其旁近諸鎮又當豫蓄資望之人以擬  
其乏如是則受任之臣事權專一得以展布四體責其  
成功而人亦改視易聽不為朝不謀夕之計可以慮終  
而知敝三邊隱然為國長城緩急有恃矣此藝祖皇帝  
久任邊臣之成規而中興諸臣因時損益之遺音備蒙  
陛下不以臣言為非即乞與大臣審議而速圖之  
初文天祥上言宋徽五季之亂削藩鎮建郡邑一時雖

是以矯尾大之弊然國亦以寢弱中原陸沉痛悔何及  
今宜分天下為四鎮以廣西益湖廣而建闡于長沙以  
廣東益江西而建闡于隆興以福建益江東而建闡于  
番陽以淮西益淮東而建闡于揚州議竟不行  
按唐之衰以藩鎮擅權而宋之衰又病於藩鎮不立此  
時勢互異抑朔法有善有不善耶故存二公之議以為  
謀國者鑑

外國封爵附

李壇全之子為蒙古江淮大都督景定三年以京東來歸  
詔封為齊郡王復其父官爵

陳日照安南國王也景定三年叛蒙古傳位於子光昺遣

使貢象詔封光昺為安南王加封日照為安南大王初日照傳位於子求封太上國王下省臣議秘書省正字歐陽守道謂太上者漢高帝以尊其父累朝未之有改若賜詔書稱太上國王非便南越尉佗嘗自稱蠻夷大長老正南夷事也禮方伯自稱曰天子之老大夫致仕曰老自稱亦曰老自蠻夷言之則有尉佗之故事自中國言之亦方伯致仕者之常稱漢亦有老上單于之號易太以老無損或去上字存其太字太王則有古公三太三少太宰少宰太所以別於少也謂父為太則子為少矣太以尊言則太后太妃以卑言則太史太卜太祝樂太師太圉上下所通用也時竟以大王與之

遼

同姓封爵

道宗太康五年十一月詔准王子封一字王餘並削降

蜀國王巖木玄祖子身長多能語言如鐘三為迭刺部夷

離董年四十五薨重熙中追封蜀國王

隋國王釋魯玄祖子駢脅多力賢而有智為遙輦氏於越

始教民種植桑麻年五十七為子滑哥所弑重熙中追

封隋國王

賢適玄祖後不知世次封西平郡王

頽豆巖木後不知世次封漆水郡王世宗時為暢隱

化哥巖木後開泰時為北院樞密使封幽王

續文獻通考

卷之二十一

十一

瑰引巖木後封燕王

仁先瑰引子始封吳王清寧初徙王隋後進宋王咸雍時

改遼王

義先仁先弟嚴重疾惡封武昌郡王進王富春薨追贈許

王

休哥釋魯孫聖宗時伐宋有功封宋王

陳留釋魯孫道宗清寧初為南京留守封宿國王

仙童釋魯後清寧時封蔣國公咸雍初徙封許國

右玄祖之世

許國王寅底石德祖子生而闇懦與兄刺葛作亂屢為太

祖所宥命輔東丹王淳欽皇后遣人殺於路重熙間追

封許王

明王安瑞德祖子亦與刺葛謀亂太祖屢宥之天祿初以

功王東丹國賜號明王

幹特刺寅底石後封漆水郡王乾統初封混同郡王

察割安瑞子天祿元年封大寧王後弒世宗被誅

撻不也德祖後不知世次封漆水郡王

頗的德祖後奴瓜之孫太康中拜南府宰相封吳國公

右德祖之世

東丹國人皇王倍太祖冊為太子居東丹太祖崩讓國適

唐

道隆倍子景宗保寧元年封平王

道隱倍子景宗初封蜀王乾亨中徙荆王卒後追封晉王

喜隱倍弟李胡子始封趙王景宗改宋王後謀反廢

宛李胡子景宗即位封衛王

室魯倍弟牙里果子統和末為北院大王封韓王

右太祖之世

太平王罽撒葛太宗子會同元年封太平王穆宗時謀亂

覺駭西北邊戍景宗即位懼竄大漠召還釋其罪封齊

王保寧四年卒贈皇太叔

冀王敵烈太宗子多力善射保寧初却宋師有功封冀王

後與耶律海恩等謀反事覺穆宗釋之乾亨時與宋師

戰没于白馬嶺

越王必攝太宗子穆宗時嘗啓族人恒特及蕭啜里謀亡

事又諫止殺監鹿官景宗即位封越王

右太宗之世

寧王質睦即只沒世宗子敏給好學通契丹漢字工詩景宗

封為寧王保寧八年奪爵統和元年皇太后稱制詔復

舊爵

右世宗之世

秦晉王隆慶景宗子八歲封恒王統和中為南京留守屢

敗宋師十六年徙王梁國開泰初更王晉國進王秦晉

入覲還道卒追贈皇太弟

齊王隆祐景宗子乾亨初封鄭王聖宗伐宋伐高麗皆留

守京師後徙王吳更王楚改王齊薨

查葛隆慶子始封中山郡王為保靖軍節度使後封潞王  
進封越國王清寧初封趙國王為上京留守又改魏國  
王

遂哥隆慶子始封樂安郡王為廣德軍節度使後封幽王  
謝家奴隆慶子開泰六年四月封長沙郡王後改陳王又

改晉王

驢糞隆慶子封遼西郡王

蘇撤隆慶子封漆水郡王

胡古魯隆祐子開泰三年封廣平郡王後改周王

合祿隆祐子封魏王

貼不隆祐子開泰中封豫章王為長寧軍節度使重熙中

封漢王為中京留守又改吳王為西京留守

宗範亦聖宗姪不詳所出封三韓郡王

右景宗之世

秦王重元聖宗子太平三年封秦國王嘗白其母后謀立

已事為興宗所重立為皇太弟道宗立為皇太叔免拜

不名兩朝皆賜金券後以子涅魯古誘之謀反軍潰自

殺

柳城郡王別古特聖宗子明敏善射討夏國督戰有功重

熙中封柳城郡王

燕王吳哥聖宗子開泰二年為惕隱出為南京留守受封

不知何時

混同郡王侯古聖宗子重熙七年封饒樂郡王咸雍中徙

混同郡王後為上京留守薨

涅魯古重元子重熙十一年封安定郡王又封楚王清寧  
初徙封吳王又進封楚國王後以謀反誅

右聖宗之世

宋魏王和魯幹與宗子重元之亂和魯幹夜赴戰重熙十  
七年封越王清寧初拜上京留守徙王晉進王宋魏乾  
統三年冊為皇太叔

博州王阿璉興宗子重熙十七年封許王清寧初徙秦  
王及陳王又進封秦越國咸雍間歷西京上京留守卒

追封秦魏國王

石篤和魯幹子封漆水郡王

淳和魯幹子乾統初封鄭王進封越國王又封秦晉王後  
天祚播遷稱帝

魯王教魯幹天祚子初封晉王出繼大丞相耶律隆運後  
喜揚人善勸其不能中外稱其長者保大二年以得人  
心欲立為帝賜死或勸之逃教魯幹曰安刃為七尺之  
軀而廢臣子之大節遂自縊死

梁王雅里天祚子七歲欲立為太子別置禁衛封梁王天  
祚奔夏眾推稱帝改元神曆

趙王習泥烈天祚子初封饒樂郡王改封趙從天祚至白



馬灤為金師所獲

秦王定天祚子從天祚至青塚灤為金師所獲  
許王寧天祚子從天祚至青塚灤為金師所獲

異姓功臣封爵

韓延徽幽州安次人為劉守光聘于遼述律后知其賢太祖立命參軍事攻党項室韋服諸部落延徽謀居多乃請樹城郭分市里以居漢人之降者又為定配偶教墾藝而養生養之以故逃亡者少久之懷鄉歸唐復歸遼太宗朝封魯國公世宗時卒世為崇文令公

韓德樞延壽子未冠守左羽林大將軍遷特進太尉時漢人降與轉徙者多寓東平丁歲災飢饉疾癘德樞請任

撫字之授遼興軍節度使整飭別處國餉信乎累官至門下平章事開府儀同三司行侍中封趙國公

高模翰渤海人避地高麗而歸坐殺人罪太祖知其才賞之太宗時援石敬瑭有功後援楊草圍大捷車駕入汴加特進檢校太師封愨郡開國公

趙思溫盧龍人始從太祖攻渤海太守時自嵐憲間出兵援太原賜號協謀靖亂聖功臣累官檢校太師會同二年星隕于庭卒遣使賻祭贈太師衛國公

室昉南京人會同初登進士第統和中與韓德讓耶律斜軫同心輔政務在息民薄賦以故法度脩明朝無異議晚年詔入朝免拜賜几杖常居南京封鄭國公

張儉宛平人統和十四年舉進士第一太平六年拜左丞相封韓王帝不豫受遺詔輔立太子是為興宗賜貞亮弘靖保義守節者德功臣拜太師中書令加尚父徙王

陳

王繼忠本宋臣降于遼聖宗委任之繼忠亦自激昂事必盡力遼宋講和多其功加左武衛上將軍攝中京留守後為漢人行營都部署封琅瑯郡王又賜國姓進楚王耶律隆運本姓韓名德讓匡嗣之子統和中賜姓名皇太后稱制總宿衛事加開府儀同三司兼政事令從太后出師禦宋師有功加司空封楚國公後拜太丞相進王齊又從太后南征許宋成而還徙王晉

耶律滌魯德讓弟德威之孫幼養宮中授小將軍重熙初

累官西北路招討使封漆水郡王後封混同郡王清寧

初徙王鄧擢拜南北宰相以年老乞骸骨更王楚

耶律制心德讓之姪開泰中拜上京留守進漢人行營都

部署封漆水郡王太平中歷中京南京留守徙王燕奉

贈政事令追封陳王

耶律海里令穩援里得之長子為南院大王却宋敵有功

賜資忠保義匡國功臣聖宗屢親征海里在南院十餘

年鎮以寬靜戶口增給封漆水郡王

耶律合里只六院夷離董蒲古只之後重熙中累遷西南

面招討都監清寧七年入為北院大王封西國公

耶律弘古遙輦氏之後統和初嘗以軍事任爲搜刺詳穩  
尋徙南京統軍使斬敵首百餘級遷東京留守封楚國  
公

楊哲安次人太平十一年擢進士乙科清寧初知南院樞  
密使封趙國公咸寧初再徙齊晉又封趙王太康中例  
改遼西郡王

蕭阿魯帶烏隗部人大安九年以功封蘭陵縣公壽隆元  
年進爵郡公

耶律世良公院部人統和末爲北院大王時邊部拒命世  
良追之至安真河大破而還自是邊境以寧以功封岐  
王

耶律良著帳郎君之後請書曷巫間山又入南山肄業清  
寧中知制誥兼知部署司事項之爲敦睦宮使權知皇  
太后宮諸局事以預告涅魯古亂累官惕隱中京留守  
卒追封遼西郡王

蕭虛烈重熙中官侍中十五年陞爲南面統軍使封遼西  
郡王

蕭韓家奴奚長渤魯恩之後累官奚六部大王治有聲清  
寧初封韓國公又封蘭陵郡王後以平重元亂功封荆  
王賜資忠保義奉國竭貞平亂功臣太康初徙王吳四  
年例削一字王爵改王蘭陵

蕭德楮特部人太平中領牌印直宿累遷北院樞密副使

續文獻通考 卷之二百九十一  
清寧元年遷同知北院樞密使封魯國公重元之亂摧鋒力戰斬涅魯古首以獻論功灑王

姚景行周將漢英之孫聞重元亂集眾勤王累官朔方軍節度使太康初徙鎮遼興加守太師卒遣使吊祭追封柳城郡王

耶律阿思不知所出清寧初補祗候郎君以善射掌獵事重元之亂射殺涅魯古賜號靖亂功臣封漆水郡王後以風疾致仕加尚父封趙王卒年八十追封齊國王寶景庸中京人清寧中第進士太安初累官南京樞密副使監脩國史知樞密院事賜同德功臣封陳國公

馬績良鄉人太平十一年進士及第累遷南院樞密使封

趙王太康中以例改封遼西致仕

蕭兀納六院部人以兄圖薦補祗候郎君太康初為北院宣徽使時乙辛害太子謀立和魯幹之子兀納諫止乙辛謀害皇孫又賴兀納以免帝嘉其忠封蘭陵郡王

耶律仲禧析津人本姓李重熙中始仕累官漢人行營都部署清寧六年賜國姓封韓國公

耶律嚴仲禧之子登咸雍進士第壽隆六年遷知樞密院事賜經邦佐運功臣封越國公乾統三年徙封秦國六年封漆水郡王

耶律撒刺南院大王磨魯古之孫性忠直沉厚為乙辛誣廢立殺之乾統間追封漆水郡王

行文屬通考卷之二百九十一  
蕭速撒突呂不部人重熙間累遷右護衛太保後與乙辛  
忤誣殺之乾統間追封蘭陵郡王

李儼析津人太康初累官叅知政事封漆水郡王

耶律乙辛五院部人清寧五年知北院樞密使封趙王平  
重元亂進封魏誣害皇后太子又欲害皇孫姦謀頗露  
劍削一字王爵改王混同後謀奔宋及私藏甲兵事覺  
縊殺之乾統二年發塚戮其屍

張孝傑建州永霸縣人重熙二十四年進士第一咸雍三  
年叅知政事同知樞密院事加工部侍郎八年封陳國  
公乙辛誣害太子及害諸忠良孝傑謀居多乾統初劄  
棺戮屍

外戚封爵遠之外戚多以功  
封非盡由恩澤也

蕭思溫忽沒魯之子太宗時尚燕國公主景宗保寧初冊

思溫女爲后加尚書令封魏王 后之祖胡毋里追封

韓王

蕭朴國舅少父房之後有吏才能知人主意敷奏稱旨朝  
議多取決太平中封蘭陵郡王進王恒重熙中改王陳  
拜東京留守及遷太后於慶州徙王楚升南院樞密使  
四年王魏薨贈齊王

蕭孝忠開泰時尚越國公主重熙七年爲東京留守十二  
年入朝封越王薨後追封楚國王

蕭撻凜思溫再從姪統和十二年以功封蘭陵郡王

蕭孝穆淳欽皇后弟阿古只五世孫太平二年以功封燕王興宗即位徙王秦重熙六年進封吳國王拜北院樞密使九年徙王楚十一年更王齊薨追贈大丞相晉國王

蕭撤八孝穆子重熙中尚魏國公主總知朝廷禮儀末年由為西北路招討使封武寧郡王卒後追封齊王

蕭孝先孝穆弟統和十八年尚南陽公主重熙中欽哀弒仁德皇后孝先謀居多封楚王後與太后謀廢興宗事覺太后遷慶州孝先恒鬱鬱不樂徙王晉卒

蕭孝友穆弟重熙元年累遷西北路招討使封蘭陵郡王八年進王陳十年賜效節宣庸定遠功臣更王吳後加

翊聖協穆保義功臣進王趙復為東京留守徙王燕改上京留守更王秦清寧初益賜純德功臣致仕進封豐國王坐子胡覩與重元亂伏誅

蕭阿刺孝穆子幼養宮中重熙二十一年拜西北路招討使封西平郡王尋尚晉國長公主清寧元年進王韓明年徙王陳為蕭革中傷帝怒縊殺之

蕭木哲孝穆弟高九之子以戚屬加監門衛上將軍清寧九年為西北路招討使安邊有功十年入朝封柳城郡王卒追王晉宋梁三國

蕭惠淳欽皇后弟阿古只五世孫初從征高麗有功開泰二年為西北路招討使封魏國公興宗時封鄭王歷徙

趙齊韓王尚帝姊秦晉國長公主重熙十九年請老封

魏國王

蕭捷不也國舅高九之孫太康元年尚趙國公主為乙辛

誣廢立事見殺乾統間追封蘭陵郡王

蕭得里底孝先之孫天慶三年封蘭陵郡王天祚殺晉王

不能伸理後為天祚所逐卒

蕭別里刺孝穆之後道宗皇后之父封趙王

蕭酬幹別里刺之子年十四尚越國公主十八封蘭陵郡

王

蕭奉先天祚元妃之兄累官樞密使封蘭陵郡王天祚欲

誅阿骨打奉先阻之又勸天祚誅晉王人心解體後與

其子並皆賜死

蕭余里也國舅阿刺次子清寧初尚鄭國公主太康時封

遼西郡王乙辛謀構皇太子余里也多助成

蕭革國舅房林牙和尚之子重熙初同知北院樞密事怙

寵專權又拜南院樞密使班諸王上封吳王已改知北

院進王鄭清寧元年復為南院樞密使更王楚八年致

仕封鄭國王九年秋以其子為重元壻革預知其謀凌

遲殺之

外國封爵附

太宗天顯十一年十二月冊石敬瑭為大晉皇帝 會同

元年七月冊晉帝為英武明義皇帝 會同五年五月

遺燕王牒螭樞密使高勳封劉崇為大漢神武皇帝  
穆宗應曆五年十一月冊封劉鈞為漢王

聖宗統和八年十二月遣使封李繼遷為夏國王 十三年十一月遣使冊高麗王治為高麗國王 十五年三月封夏國王李繼遷為西平王 十六年十一月遣使冊封高麗王誦 太平二年十二月遣使冊封高麗王  
欽

與宗重熙元年十一月冊封夏國公元昊為夏國王

道宗咸雍四年十月冊封李秉常為夏王 太安元年十一月遣使冊封三韓國王勳子運為高麗國王 四年七月遣使冊封李乾順為夏國王

天祚帝保大三年夏六月遣使冊封夏國王李乾順為夏

國皇帝

封建考 金

皇明進士雲間王坊錄

金

天祚帝保大三年夏六月遣使冊封夏國王李乾順為夏

皇明進士

白為洪



續文獻通考卷之一百九十一  
劉出  
均

國皇帝

天祥帝封大三平夏六月獻對冊桂夏國王李焯即夏

續文獻通考卷之一百九十二

皇明進士雲間王圻纂輯

封建考 金

金

熙宗天眷元年十月始定封國制其制属于吏部凡封王

大國號二十曰恒明昌二年以漢遼唐宋梁秦殷楚類皆昔有天下之號不宜封臣下遂皆

改之邵舊為梁汴舊為秦鎬舊為秦并舊為漢益舊為漢彭舊為齊趙舊為齊越

誰舊為梁郢舊為楚魯舊為魯冀舊為唐豫舊為唐絳舊為唐兗舊為吳鄂舊為吳夔舊為蜀宛舊為楚

陳曹次國三十曰涇舊為隋鄭衛韓潞幽潘岐代澤徐滕

薛紀昇舊為原邢翼豐畢鄧鄂霍蔡瀛按金格葛當在此沂荆榮

英壽溫小國三十曰濮遂舊為濟道定景後改為鄒申崇宿息

續文獻通考卷之一百九十二

莒鄴郃舒淄邳萊舊為宋以避諱改之耶郟杞向管舊為郟興密定元年改

昨任載輦將士民須知蕭莘芮封王之郡號十金源廣

平平原南陽常山太原平陽東平安定延安封公主之

縣號三十樂安清平蓬萊滎陽棲霞壽光靈仙壽陽鍾

秀惠和永寧慶雲靜樂福山隆平德平文安福昌順安

樂壽靜安靈壽太寧聞喜秀容宜芳真寧嘉祥金鄉華

原凡白號之姓完顏溫迪罕夾谷陀滿僕散木虎移刺

答幹勒幹準把阿不罕卓魯回特黑罕會蘭沈谷塞蒲

里吾古孫石敦卓陀阿厮準匹獨思潘木古諳石刺石

古苦綴罕光吉刺皆封金源郡裴滿徒單溫敦兀林答

阿典紇石烈納蘭字本魯阿勒根納合石盞蒲鮮古里

甲阿迭聶模樂抹撚納坦兀撒惹阿鮮把古溫古孫

盞散合烈吾塞和速嘉能偃阿里班兀里担聶散蒲速

列皆封廣平郡吾古論兀顏女奚烈獨吉黃摑顏盞蒲

古里必蘭幹雷獨鼎尼麗窟亦作拓特合散撒答牙阿

速撒剌準土谷納謀魯業速布安煦烈愛申拿可貴益

昆溫撒梭罕霍域皆封隴西郡黑號之姓唐括舊作蒲

察木甲蒙古蒲速粘葛與屯斜卯準諳蠻獨處末魯磨

輦益輦帖暖蘇寧輦皆封彭城郡其封爵正從品級高

下正從一品曰郡王曰國公正從二品曰郡公正從三

品曰郡侯正從四品曰郡伯正五品曰縣子從五品曰

縣男凡食邑封王者萬戶實封一千戶郡王五千戶實

封五百戶

封五百戶國公三千戶實封三百戶郡公二千戶實封  
 二百戶郡侯一千戶實封一百戶郡伯七百戶縣子五  
 百戶縣男三百戶皆無實封 皇統元年正月定命婦  
 封號一字王者母妻為正從一品次室封王夫人 承  
 安二年敕王母妻止封王夫人次室封孺人郡王母妻  
 封郡王夫人國公母妻封國公夫人郡公母妻封郡公  
 夫人郡侯母妻封郡侯夫人五品文散少中大夫武散  
 懷遠大將軍以上母妻封郡君五品文散朝列大夫武  
 散宣武將軍以上封縣君 舊封鄉君後改  
 海陵正隆二年二月改定親王以下封爵等第命置局追  
 取存亡告身存者二品以上死者一品參酌削降公私

文移但有王爵字者皆立限毀抹雖墳墓碑誌並發而  
 毀之

宣宗興定元年徒 是 頑僧言兵興以來恩命數出以勞進  
 階者比年尤多賤職下僚散官或至極品名器之輕莫  
 此為甚自今非親王子及職一品餘人雖散官至一品  
 乞皆不許封公若已封者雖不追奪其儀衛亦當降從  
 二品之制從之

同姓封爵 金初親王皆以功封至後世或以私封者

石土門始祖弟保活里四世孫正隆二年封金源郡王  
 完顏忠本名廸古乃石土門之弟大定二年追封金源郡

王

完顏賽不亦保活里之後哀宗時為右丞相樞密使兼副元帥封壽國公

右始祖之世

辭不失昭祖子烏骨出之次子正隆二年追封曹國公大定三年進封金源郡王

昂昭祖子跋黑之孫本名奔睹大定時官太保兼都元帥

封漢國公

宗賢不失之孫本名賽里皇統四年封幽國公後為海陵所殺

宗浩字師孟昭祖四世孫明昌二年封榮國公

襄昭祖五世孫世宗時為平章政事封蕭國公旋進拜右

丞相徙封戴章宗即位改封任後封常山郡王又以

祀禮成進封南陽郡王

右昭祖之世

韓國公劾者景祖長子天會十五年追封韓王正隆二年

例降封韓國公

沂國公劾孫景祖子天會十五年追封沂王正隆二年例

降沂國公

代國公劾保孫景祖子天會十五年追封代王正隆二年

例降封代國公

虞國公麻頗景祖子天會十五年追封虞王正隆二年例

降封虞國公

隋國公阿離合滿景祖子天會十五年追封隋王天德中改封隋國公

鄭國公謾都訶景祖子天會十五年追封鄭王正隆二年例降封鄭國公

撒改劾者子天會十五年追封燕國王正隆二年例降陳國公大定三年改封金源郡王

幹魯劾者子官西北路都統封金源郡王

昱本名滿家奴劾孫子天會時封王正隆中例降豫國公

晏本名幹論阿離合滿次子皇統元年封葛王進封宋王海陵時累封豫王許王又封越王元貞時進封齊王

正隆例削王爵世宗時封平原郡王

宗翰本名粘沒喝撒改子天會初封晉國王追封周宋

國王正隆二年例降金源郡王大定中改秦王

宗憲撒改子天德初封河內郡王進封鉅鹿郡王後例奪王爵

宗尹本名阿里罕阿離合滿孫太祖時以宗室充護衛後拜平章政事改封代國王

銀木可宗尹子天會十三年以功封蜀王正隆二年例降金源郡王

阿離補系出景祖皇統三年以功封譚國公

宗道本名八十系出景祖太尉訛論少子天眷中追封

續文獻通考 卷之二百九十一 五  
齊國公天德二年加秦漢國王正隆二年例改封金源郡王大定時進封楚王

右景祖之世

景本名撒離喝安帝六世孫皇統三年以功封應國公後為海陵所害大定三年追封金源郡王

右安帝之世

魏王幹帶世祖子年二十餘佐太祖拔留可城旋遇疾早卒天會十五年追封魏王

遼王景本名斜也世祖第五子太祖母弟皇統二年追封遼越國王正隆時例降封遼王

鄭王幹賽世祖子皇統五年追封鄭王

魯王幹者世祖子受封歲月未詳

魯王闍母世祖子天會六年薨追封吳國王正隆時改譚王大定二年徙封魯王

漢王烏古乃時封未詳

鄆王昂本名吾魯古世祖幼子皇統元年封漆水郡王二年詔昂署銜帶皇叔祖字薨後追封鄆王

宗永幹賽子天會十五年追封魯王正隆時例降封公  
宗本幹賽子本名挑撻天會時追封魯王正隆時例降封公

神王懋幹者子天會時封金源郡王

宗義斜也子本名李言官平章政事為海陵所殺大定

二年追封衛王

思敬本名撒改神土滿子天德時封河內郡王徙封鉅

鹿正隆二年例奪王爵大定二年封濟國公

承暉昂之孫本名福興宣宗時拜平章政事兼都元帥

封鄒國公遷汴後封定國公守中都盡節死追封廣平

郡王

匡世祖九世孫章宗時以拒宋功封定國公衛紹王封

申王

右世祖之世

溫國公釋酷欵封時未詳

崇國公蒲魯虎封時未詳

右肅宗之世

金源郡王勗本名烏野字勉道穆宗子皇統八年封魯國

王進漢國王海陵收人望封秦漢國王又封周宋國王

正隆時例降金源郡王

魯國王昌本名撻懶穆宗子天會十五年為左副元帥封

魯國王後與翼王鶻懶謀反熙宗誅之

齊國公蒲察穆宗子封時未詳

崇國公蒲昱迭穆宗子封時未詳

宗秀昂子天德初封宿國公復封廣平郡王正隆時例

降王爵

右穆宗之世

楚王宗雄本名謀良虎康宗子天眷中追封齊國王天德二年加秦漢國王正隆二年改金源郡王大定二年追封楚王

宗國公俛可康宗子天德時封廣平郡王正隆時例奪王爵大定元年封宗國公

按答海宗雄次子天眷二年封金源郡王進封譚王海陵時進封鄆王改魏王正隆時例奪王爵世宗時封蘭陵郡王進金源郡王

右康宗之世

遼王宗幹太祖子官太師領三省事天眷二年進封梁王國王海陵追稱為帝大定初改遼王

宋王宗望太祖子本名幹離不官左副元帥天會十三年封魏王皇統三年進封許國王又徙封晉國王天德二年改遼燕國王正隆時例降封大定二年改宋王

梁王宗弼太祖子本名兀术官太師領三省事右副元帥熙宗時封潘王又封越國王後封梁王

豐王烏烈太祖子封時未詳

趙王宗儵太祖子本名沒里野天眷元年追封越王大定間進封趙王

陳王宗雋太祖子本名訛魯觀官為右丞相天眷元年封陳王二年進封莒國王以謀反誅

潘王訛魯太祖子封時未詳



幽王訛魯柔太祖子封時未詳

衛王宗強太祖子本名阿魯天眷元年封紀王三年封衛

王

曹王宗敏太祖子官左丞相天眷元年封邢王進封曹王

後為海陵所殺

紀王習泥烈太祖子封時未詳

息王寧吉太祖子封時未詳

莒王燕孫太祖子封時未詳

鄴王幹忽太祖子封時未詳

玄宗幹子本名神土門皇統間封淄國公進封代王卒

後追封鄭王

克宗幹子本名梧桐元貞元年封王爵

襄宗幹子本名永慶海陵母弟天德初追封衛王大定

中降

文宗望子為大名尹皇統六年封荆王

亨宗弼子本名字迭熙宗封芮王海陵殺之大定間追

封韓王

奎宗傑子為會寧牧大定初封鄧王

爽宗強子本名阿鄰宮太子太傅世宗時封溫王進封

壽王又更英王終封榮王

褒宗敏子封舒國公

阿里罕宗敏子封密國公

元習泥烈子封胙王

和尚賜名樂善襄之子封應國公後以謀反誅

右太祖之世

宋王宗盛太宗子官太師領三省事熙宗時封宋國王天

眷二年以謀反誅

肅王宗固太宗子官右丞相大定二年追封魯王

代王宗雅太宗子大定二年追封曹王

虞王阿魯補太宗子天眷元年封阿魯補等十二人為王

補為虞王

滕王斛沙虎太宗子

薛王宗懿太宗子大定二年追封鄭王

涼王宗本太宗子官左丞相大定二年追封潞王

翼王鶻懶太宗子天眷二年以謀反誅時太宗諸子皆降

封

豐王宗美太宗子本名孛吉為海陵所殺大定二年追封

衛王

鄆王神土門太宗子大定二年追封肅王

霍王斛孛東太宗子大定二年追封瀋王

蔡王幹烈太宗子大定二年追封鄂王

畢王宗哲太宗子大定二年追封韓王

徐王宗順太宗子大定二年追封隋王

右太宗之世

魏王道濟熙宗第二子皇統二年命為中京留守封魏王  
後熙宗殺之

右熙宗之世

崇王元壽海陵子天德二年封

宿王矧思阿不海陵子封時未詳

滕王廣陽海陵子正隆三年封旋卒

右海陵之世

齊王吾里補睿宗子大定時封

右睿宗之世

鎬王永中世宗子本名實魯刺大定元年封為許王七年

進越王太宗子進趙王明昌元年進漢王二年進并王

三年進鎬王以謀反誅降庶人泰和七年復王爵

趙王執輦世宗子本名胡土瓦大定元年封為楚王後封

趙王

越王斜魯世宗子封時未詳

越王永功世宗子本名宋葛又名廣孫沉默寡言笑身健

過人涉書史好法書名畫大定四年封鄭王七年進隋

王十一年進曹王明昌元年進冀王二年進魯王承安

元年進郢王大安元年封譙王二年進越王

豫王永成世宗子本名鶴野又名婁室大定七年封瀋王

十一年進幽王明昌元年進吳王二年進兗王承安元

年進豫王

夔王永升世宗子本名徵壽後改允升大定十一年封徐王未幾進虞王明昌元年進隋王二年改曹王久之改宛王衛紹王即位徙夔王

鄭王永蹈世宗子本名銀木可又名石狗兒大定十一年封滕王未幾進徐王明昌元年進衛王二年進鄭王四年以謀反賜自盡

潞王永德世宗子本名訛出大定二十七年封薛王三十九年進潘王明昌元年進幽王承安二年進潞王

按春永蹈子封鞏國公與永蹈同謀反棄市

壽永功子本名壽孫明昌元年封密國公

昭永功子本名福孫明昌元年封蕭國公

吾觀補不知誰子世宗孫大定十九年封溫國公

### 右世宗之世

鄆王琮顯宗子本名承慶大定十九年封道國公明昌元年封鄆王

瀛王瓌顯宗子本名歡睹大定二十二年封崇國公明昌元年封瀛王

霍王瓚顯宗子本名阿鄰又名從彞大定二十二年封宿國公二十六年賜名瓚明昌元年封沂王後改封霍王

瀛王琦顯宗子本名吾里補又名從憲明昌元年封壽王承安元年封英王四年改瀛王泰和五年改賜名八年

薨

溫王玠顯宗子本名謀良虎明昌元年封溫王三年薨  
從厚琦子封艾國公歲月未詳

右顯宗之世

絳王洪裕章宗子三歲卒明昌三年賜名追封

荆王洪靖章宗子本名阿虎懶二歲卒承安四年賜名追  
封

榮王洪熙章宗子本名幹魯不末彌月卒承安四年賜名  
追封

英王洪衍章宗子本名撒改未周歲卒承安四年賜名追  
封

壽王洪輝章宗子本名訛論彌月封壽王旋卒

葛王忒鄰章宗子既封本年薨

右章宗之世

荆王守純宣宗第二子本名盤都大安元年封濮王興定  
二年進英王正大中封荆王天興二年虜于元死青城  
訛可守純長子始封肅國公天興元年進封曹王出質  
軍前

守純次子封戴王史失其名

守德守純三子封鞏王

右宣宗之世

異姓封爵

婁室字幹里衍完顏部人佐太祖創業皇統元年追封莘

王正隆時例降金源郡王

活汝婁室子與父同佐太祖累破宋有功封廣平郡王正隆時例降封代國公進封隋國公

謀衍婁室子世宗為東京留守首以臣禮上謁世宗即位拜右副元帥累征伐有功封榮國公

完顏希尹本名谷神神懼都子太祖舉兵常在行陣皇統時以功追封豫王正隆時例降金源郡王

李師夔字賢佐永興人天輔中以奉聖州降後屢破張勝焦望天尹智穆諸賊封任國公

左企弓字君財蘇州人天輔中以燕京降仍封燕國公時虞仲文康公弼同降仲文封秦國公公弼封陳國公

蕭王奚人從蕭裕証宗本罪剪太宗諸子海陵以為功拜

右丞相封陳國公後海陵至南京以王為左丞相封吳國公

時立愛字壽昌涿州人遼太康九年進士天輔時以功封陳國公天會十年改鄭國公

韓金先燕京人遼知古之後中乾統時進士歸金累官尚書左僕射兼侍中封楚國公

李成字伯友雄州歸信人能挽弓三百斤聚眾為盜為宋兵所破遂歸劉豫廢歸金以功為河南尹都管押本

路兵馬正隆間為真定尹封郡王例降封濟國公  
孔彥舟字巨濟相州林慮人少無賴為盜後從劉豫伐宋

又從宗弼取河南克鄭州有功累官兵部尚書漁色親  
女有禽獸行初封廣平郡王正隆時例降封公

張中孚字信甫其先安定人宋慶國公達之子由宋歸金  
臣劉豫廢復歸宋金取河南又歸金身若趨市惟利  
所在封南陽郡王改封宿王又進封崇王卒後贈鄧王  
正隆時例降原國公

斜卯阿里父渾坦穆宗時內附阿里與石適懽擊高麗一  
日之間三破重敵尤習舟楫江淮用兵無役不從時人  
以水星目之爲迭里部節度使歷順義泰寧軍歸德濟  
南尹天德初致仕加特進封王正隆時例降封韓國公  
突合速孛罕塞人亦宗室子佐宗翰伐宋有功天眷三年

爲元帥左監軍天德間封定國公授世襲千戶正隆二  
年贈應國公

烏延蒲盧渾曷懶路人能挽強二百七十步海陵封函國  
公大定時仍舊封

赤盞暉字仲明其先附于遼居張皇堡故皆以張爲姓暉  
于天德二年以功封河內郡王又封戴王正隆時降景  
國公未幾封濟國公尋改榮國公

大臭本名撻不野其先遼陽人臭佐太祖屢有戰功天德  
二年拜尚書右丞相封神麓郡王元貞三年拜太傅領  
三省事累封漢國王卒贈晉國王正收時奪王爵贈太  
傅梁國公

夾谷吾里補暗吉渾河人始隸婁室帳下屢有戰功累官  
孛特本部族節度使以老致仕封芮國公卒年百有五  
歲

王伯龍瀋州雙城人天輔二年率衆來歸屢破敵有功累  
官益都尹封廣平郡王正隆時例降封定國公

高彪渤海人幼時見罪于父潛匿所親家爲厮養及父老  
當從軍悵然謂所親曰吾兒若在可勝軍矣所親具以  
實告因代其父行戰出河店遼兵旣敗猶力戰不休軍  
師識爲勇士募生致之後屢立戰功累官兵部尚書改  
京兆尹封郃國公以憂去官起復爲樞密副使封舒國  
公

耶律懷義遼宗室遼主謀奔于夏懷義止之不見聽乃  
取遼主廐馬來降屢立戰功天眷初爲中原留守海陵  
即位封漆水郡王進封莘王久之進封蕭王正隆時例  
降封景國公

耶律塗山系出于遥盞以在遼世爲顯族克宗洛陽平陝  
西皆與有功累官尚書左僕射致仕卒年九十一正隆  
時例贈特進郃國公

耶律恕字仲厚遼宗室喜讀書通契丹大小字屢從宗幹  
立戰功累官至太子少保正隆元年致仕封廣平郡王  
二年例贈銀青光祿大夫

盧彥倫臨潢人性機巧能迎合悼后意頗見寵用官至禮



部尚書加特進封郟國公

張通古字樂之易縣人讀書過目不忘中遼天慶二年進士宗望復燕京劉彥中以通古薦為樞密院主奏改兵刑房承旨天德初拜平章政事封譚王改封鄆王以疾求解機務不許拜司徒封瀋王正隆元年進封曹王卒張浩字浩然遼陽渤海人本姓高東明王之後曾祖霸仕遼為張氏天輔中以策干太祖為承應御前文字天會八年賜進士及第授秘書郎海陵時為戶部尚書平章政事後拜尚書右丞相兼侍中封潞王未幾改封蜀王正隆時例降魯國公後遷汴進封秦國公世宗即位于遼陽浩朝京師入見拜太師尚書令封南陽郡王卒

耶律安禮系出遙輦氏事親盡孝熙宗時拜樞密副使封譚國公遷尚書左丞進封鄆國公海陵時以諫伐江南忤旨罷為南京留守封福國公

納合椿本名烏野西京人初以女直字學生選補尚書省令史累官叅知政事正隆二年薨追封特進譚國公樞密溫敦思忠斯水人太祖伐遼時未有文字思忠以口傳出日至數千言無誤海陵時累官至平章政事封郟國公進拜左丞相兼侍中進封沂國公致仕後復拜太傅領三省事進封齊國公正隆間例降封異姓惟思忠封廣平郡王賜以玉帶

劉彥宗字魯開大興宛平人太宗時同中書門下平章事

知樞密院事加侍中從宗翰宗望伐宋有功天會六年  
薨追封鄆王正隆二年例降開府儀同三司大定十五  
年追封充國公

劉筈彥宗次子以遼進士從父兄歸金元帥府約束廢置  
及四方號令多筈所畫熙宗幸燕法駕儀仗亦筈所討  
論官至平章政事封吳國公天德元年封滕王二年進  
封鄭又進封曹卒年五十八

烏延滿離黑速頻路哲特猛安人從太祖伐遼勇聞軍中  
累官延安平涼尹致仕封任國公

紇石烈志寧上京胡塔安人與國世爲甥舅世宗時拜平  
章政事左副元帥後拜右丞相封廣平郡王進封金源

### 郡王

徒單合喜上京速蘇海水人膂力過人一有聞見終身不  
忘世宗九年官平章政事封定國公

紇石烈良弼本名婁室回柏川人年十四爲北京教授學  
徒常二百人十七補尚書省令史世宗時拜平章政事  
封宗國公居位幾二十年成就太平之功一時號稱賢  
相卒後追封金源郡王

徒單克寧本名習顯其先金源郡人占籍萊州善騎射通  
女直契丹字世宗時裨益功多臨崩即榻前拜太師封  
淄王

石琚字子美定州人生七歲讀書過目成誦中天眷二年

進士第一世宗時官至右丞相封莘國公

韓昉字公美燕京人登遼天慶二年進士第一以文學顯仕金至叅知政事皇統四年封汴國公

蔡松年字伯堅真定人以文學顯天德時拜尚書左丞封部國公進封衛國公卒後加吳國公

蔡珪字正甫中進士第以文學顯大定時官脩撰遷禮部郎中封直定縣男

夾谷清臣本名阿不沙胡里改路恒篤人大定初首先推戴明昌二年官平章政事封芮國公未幾遷崇改封戴六年拜左相改封密

夾谷衡本名阿里不山東西路益打把謀克人中大定十三年進士第四累官至平章政事承安四年封英國公

完顏安國字正臣本名闍母其先占籍上京世有戰功以正隆元年從軍為謀克積功官至樞密副使泰和三年

封道國公

張萬公字良弼東阿人幼喜讀書父憂至一室榜曰張萬相公讀書堂已而萬公生因名焉登正隆二年進士第明昌中官至叅知政事封壽國公

蒲察通本名蒲魯渾中都路人熙宗選護衛以父老懇辭世宗時累官至平章政事封任國公又封芮國公

徒單鎰上京路人大定九年進士及第自中都路教授遷為國子助教承安五年拜叅知政事封濟國公宣宗即

續文獻通考卷之二百九十二 十九  
位封廣平郡王

抹然蓋忠本名象多上京都猛安人大定二十八年進士  
第宣宗時拜右丞相封申國公後以棄中都伏誅  
僕散端本名七斤中都路人事親孝選充護衛章宗時拜  
平章政事封申國公宣宗時薨贈延安郡王

高汝礪字巖夫金城人宣宗時累官尚書右丞監脩國史  
封壽國公正大元年薨

胥鼎字尚之持國子興定初拜平章政事封莘國公後進  
封溫國公

趙秉文字周臣滏陽人幼穎悟讀書若夙成登大定二十  
五年進士第哀宗時官翰林學士草開興改元詔問卷  
間皆能傳誦洛陽人拜詔畢舉城痛哭其感人如此累  
官至資善大夫上護軍封天水郡侯

完顏合達名瞻字景山少長兵間習弓馬能得人死力累  
官至平章政事正大四年封芮國公

完顏弼本名達吉不蓋州猛安人少充護衛累官至山東  
西路宣撫使貞祐四年誅叛將張汝楫封密國公

侯摯初名師尹避諱改名摯字莘卿東阿人哀宗時爲平  
章政事封蕭國公

國安用本名咬兒淄川人李全餘黨歸金後特封克王後  
叛歸宋投水死

時青滕陽人初與叔父全俱爲紅襖賊歸金授銀青光祿

大夫封滕陽王後叛歸宋

宣興定三年太原不守河北州縣不能自立詔百官議所以長久討多請以高爵募土人使各保一方宰臣請多置公府宣宗意未決御史中丞完顏伯嘉曰宋人以虛名致李全遂有山東實地苟能統衆守土雖三公亦何惜焉宣宗曰他日事定公府無乃多乎伯嘉曰若事定以三公就節鎮亦何不可宣宗意乃決四年二月封滄州經畧使王福為滄海公河間招撫使移刺衆家奴為河間公直定經畧使武仙為恒山公中都東路經畧使張甫為高陽公中都西路經畧使靖安民為易水公遼州從事郭文振為晉陽公平陽招撫使胡天祚為平陽公昭義軍節度使完顏開為上黨公山東安撫副使燕寧為東莒公九公皆兼宣撫使銀青榮祿大夫賜號宣力忠臣總帥本路兵馬署置官吏徵斂賦稅賞罰號令得以便宜行之

外戚封爵

金之外戚多以功封非盡自私親也

石家奴蒲察部人祖斛魯短世祖外孫石家奴自幼時撫養太祖家及長太祖以女妻之後伐遼宋屢有戰功熙宗時封蘭陵郡王除東京留守卒後加贈鄖王正隆時奪王爵封魯國公

僕散忠義上京古河人宣猷皇后姪元妃之兄世宗時以功封榮國公子即僕散端

裴蒲達本名忽撻婆盧本部人爲人淳直孝友天輔六年從蒲家奴追叛寇于鐵呂川力戰有功熙宗娶其女是爲悼平皇后天眷元年授世襲猛安明年以皇后父拜太尉封徐國公皇統九年悼后死未幾海陵弑熙宗欲揚熙宗過惡以悼后死非罪封忽撻爲王

徒單恭本名斜也天眷二年以告吳王反事封譚國公海陵取其女爲后封王拜平章政事進太師封梁晉國王正隆間改封趙國公再進齊國公大定間降特進鞏國公

李石字子堅遼陽人貞懿皇后弟世宗時以功封平原郡王致仕後更封廣平郡王子獻可衛紹王即位以元舅

追封道國公

唐括德溫本名阿里上京率河人父撻懶尚康宗女德溫善射尚睿宗女楚國長公主天德初以兵部尚書出爲大名尹世宗即位封道國公

蒲察阿虎迭初授信武將軍尚海陵姊遼國長公主迪鉢爲駙馬都尉遼國薨繼尚鄧國長公主崔哥皇統中歷官尚書節度使封葛王薨時年二十八海陵親臨葬贈譚王正隆時例贈特進楚國公

蒲察鼎壽本名和尚上京曷速河人欽懷皇后父賦性沉厚有明鑑通契丹漢字長于吏事尚熙宗女鄭國公主貞元三年海陵以女弟慶宜公主子加定遠大將軍爲

尚衣局使大定中歷官于外有惠政明昌三年以皇后  
父贈太尉越國公鼎壽既世連姻戚女為皇后長子辭  
不失凡三尚定國景國道國公主寵遇如此而不以勢  
驕人人稱為外戚之冠云

烏古論元忠本名訛里也其先上京獨拔古人拜平章政  
事封任國公

唐括貢本名達歌太傅阿里之子尚世宗第四女吳國公  
主授駙馬都尉歷官樞密使封莘國公後復改封蕭

徒單公弼本名習烈河北東路人父府君奴尚熙宗女公  
弼尚世宗女息國公主至寧初拜平章政事封定國公

續文獻通考卷之一百九十二終

續文獻通考卷之一百九十三

皇明進士雲間王圻纂輯

封建考 元

元宗室駙馬通稱諸王歲賜之頒分地之大所以盡夫展  
親之義者亦優且渥然初制簡朴位號無稱惟視印章  
以為輕重厥後遂有國邑之名而章印之等猶前日也  
具著于篇

按元制封一字王者金印獸紐兩字王者金印螭紐次  
有金印駝紐金鍍銀印駝紐金鍍銀印龜紐有止用銀  
印龜紐等級不同如此又同姓有無國邑而稱王者但  
曰宗王不詳錄

系屬通考卷之百九十三  
同姓封爵

闊闊出始祖第二子答里真之孫封寧海王

亦思蠻闊闊出之孫封寧海王

拔都魯闊闊出之孫延祐五年封寧海王

阿海闊闊出之孫封寧海王

買奴闊闊出曾孫泰定二年由泰寧王徙封宣靖主後  
至元二年進封益王

右始祖之世

也苦烈祖第二子搠思答兒之子封淄川王

按只吉歹烈祖第三子哈赤溫之子至元二十四年封濟

南王

脫里出烈祖第四子鐵木哥幹赤斤之子封壽王

朶烈担哈赤溫之孫皇慶元年由濟王徙封吳王

瓜都烈祖第五子別里古台之孫中統二年封廣寧王

八不沙搠思答兒曾孫大德十一年封濟王

忽剌出按只吉歹孫封隴王

也里只按只吉歹孫至元二十四年封濟南王

木喃子按只吉歹孫天曆三年由濟陽王徙封吳王

潑皮朶烈祖第六子天曆三年封濟陽王

乃蠻台鐵木哥曾孫至大元年封壽王

徹里帖木兒別里古台曾孫封廣寧王

王龍帖木兒搠只哈里玄孫由保恩王進封恩王又封



齊王

勝納塔兒忽刺出子封濟南王

阿荅里迷失木喃子之子封西寧王

搠魯蠻鐵木哥玄孫封西寧王

薛徹干別里古台玄孫至治三年封定王

渾按察徹里帖木兒之子至順元年封廣寧王

脫脫乃蠻台之孫延祐三年封遼王

察兒台薛徹干之子泰定四年封定王

右烈祖之世

脫脫太祖長子木脫太子之子至大元年封寧肅王

忽察太祖第六子闊列堅太子之子至元元年封河間王

一名元古帶

寬徹脫脫之子天曆二年封肅王

阿只吉太祖第二子察合台太子之孫封威遠王

買住韓察合台太子曾孫至大三年封克王

忽都鐵木兒阿只吉子至治三年封威遠王

秃剌忽都鐵木兒子至元九年封南平王一云威遠王

大德十一年從仁宗平內難有功封越王至大二年以

怨望誅

脫懽忽察曾孫皇慶二年封安定王

乃朵兒只班脫懽子封安定王

右太祖之世

通鑑綱目卷之九十三 三

別帖式九太宗長子闊端太子之孫延祐七年封汾王

察八泉共孫御子合出六王之孫延祐元年封汝寧王

火郎撒太宗第六子合丹大王之孫至大元年封隴王

也速不干別帖木兒子封荆王

哈反太宗第二子闊出曾孫至元二十七年封靖遠王一

云合贊

阿魯灰哈反弟封襄寧王

完者帖木兒察八兒子封汝寧王

禿滿太宗第七子滅里大王曾孫至大元年封陽翟王

也速不干哈反子至大元年封襄寧王

忽剌台完者帖木兒子泰定元年封汝寧王

太平滅里玄孫泰定元年封陽翟王

曲春禿滿子封陽翟王

帖木兒赤曲春子封陽翟王

右太宗之世

禿魯定宗第三子忽承之子至元九年封南平王

右定宗之世

王不忽爾睿宗第七子阿里不哥之子大德九年由定遠

王徙封威定王

孛顏帖木兒阿里不哥孫封魏王

孛羅孛顏帖木兒弟延祐四年由鎮遠王進封冀王

藥木忽兒孛羅弟封魏王

那海阿里不哥孫至大三年封鎮寧王一作那懷  
牙忽都睿宗第八子撥徹大王孫大德十一年由鎮遠王  
進封楚王

脫脫木兒睿宗第十子歲都哥孫封荆王

合贊睿宗第三子旭烈兀曾孫至元二十七年封靖遠王

哈兒班答合贊弟天曆二年封廣平王

脫烈鐵木兒牙忽都子至大中封楚王延祐二年被黜  
天曆元年復故封

伯顏木兒睿宗第九子末哥曾孫封永寧王

也速不堅脫脫木兒子封荆王

出伯哈兒班答子大德十一年由威武西寧王進封幽

王

八都兒脫烈鐵木兒子封楚王

南忽里出伯子延祐七年襲封幽王

右睿宗之世

光澤憲宗第三子王龍答失之子大德九年封惠安王至  
大三年封衛王

晃大帖木兒憲宗第四子昔里吉之子延祐四年封嘉王  
一云封并王

徹徹禿光澤子至順二年由武寧王進郊王

火兒忽晃大帖木兒子封嘉王

右憲宗之世

忙哥刺世祖第三子至元十年封安西王益封秦王別賜金印其府在長安者為安西在六盤者為開成皆聽為官邸十七年薨二十四年中書奏王次子按檀不花襲秦王印詔阿難答既為安西王其秦王印宜上之然其後猶稱秦王阿難答

忽哥赤世祖第五子至元五年封雲南王出鎮雲南

奧魯赤世祖第七子至元中封西平王

闊闊出世祖第八子大德十一年由寧遠王進封寧王

脫懽世祖第九子至元二十一年封鎮南王出鎮揚州二

十二年奉旨征安南大德五年薨一云封安定王

也先帖木兒忽哥赤子至元中由鎮東王徙封營王

鐵木兒不花奧魯赤子大德元年封鎮西武靖王

八的麻的加奧魯赤子封西平王泰定元年封晉王

薛徹禿闊闊出子皇慶元年由寧遠王進封寧王

阿魯赤闊闊出子至順元年封西靖王後封寧王

老章脫懽子大德五年封鎮南王

蠻子脫懽子封文濟王

不答失里脫懽子皇慶二年封安德王

老的罕鐵木兒不花子至大二年封雲南王

搠思班鐵木兒不花子封鎮西武靖王

鐵木不花老章子封鎮南王

寬徹普花老章子封威順平王

帖木兒不花老章子至元二十八年封肅遠王天曆二  
年由鎮南王改封宣讓王

阿禿納納失里老的罕子天曆元年封豫王

孛羅不花鐵木不花子封鎮南王

右世祖之世

松山顯宗長子至元二十年以皇曾孫出鎮雲南封梁王  
迭爾哥兒不花顯宗第三子至大二年徙封相寧王

王禪松山子泰定元年由雲南王進封梁王天曆元年

帥師與太平王燕帖木兒戰於柳林見殺

八次失里造爾哥兒不花子至治三年封湘寧王

帖木兒不花王禪子泰定元年封雲南王

右顯宗之世

阿不哥順宗長子封魏王

阿魯阿不哥子至順元年封西靖王

孛羅帖木兒阿不哥子封魏王

右順宗之世

禿魯思不花仁宗第二子延祐二年封安王七年降封順

陽王尋被殺

右仁宗之世

八的麻亦兒間卜泰定第二子泰定元年封晉王天曆元

年殞於上都

右泰定之世

異姓封爵

按陳特薛禪子姓字思忽兒弘吉刺氏元貞中以武功追封濟寧王

帖木兒按陳子至元中以武功封濟寧王

都羅按陳之裔至元四年以武功封懿國公

阿刺兀思惕吉忽里沙陀人太祖時以武功追封高唐王

鎮國惕吉忽里姪太祖時以惕吉忽里功封北平王

木華黎世居阿難太祖時以武功封太師魯國王至治元

年追封其父孔溫窟哇魯國王

孛羅木華黎子至治元年以武功封魯國王

速渾察孛羅弟延祐三年以武功追封東平郡王

乃燕速渾察子至正中以武功追封魯郡王

碩德乃燕子世祖時以武功追封魯郡公

霸魯突孛羅子大德八年以武功追贈東平王

博爾木阿兒刺氏大德五年以武功追封廣平王

孛樂台博爾木子以武功追封廣平王

王昔帖木兒博爾木孫大德五年以武功追封廣平王

月赤察兒博爾忽子武宗時以武功封淇陽王

察罕唐兀人憲宗時以武功追封河南王

木花里察罕子世祖時以武功追封梁國公

立智理威木花里從孫至大中以武功贈寧夏國公再進

秦國公

札八兒火者賽夷人太祖時以武功追封梁國公

阿里罕火者子憲宗以武功追封涼國公

明察里火者子以武功追封涼國公

怯台木赤台子自太宗及世祖歷事四朝封德清郡王自

怯台而下凡九人並封郡王

速不台蒙古人定宗時以武功追封河南王

按竺邇其先雲中人延祐元年以武功封秦國公

忙哥忽都忽子太宗以其父功封為郡王

博羅懽瑣魯大都子大德中以武功封奉安王

雪不台蒙古人至大元年以武功贈河南王

愛魯唐凡人世祖時征交趾感瘴癘卒子教化請于朝廷

封國公

架直昭魯華蒙古人武宗時以武功追封衛國公

純只海散木台氏皇慶初以武功贈溫國公

艾貌拔都康里氏至元末追封武城郡公

塔本伊吾廬人太祖時以武功追封營國公子阿失帖木

兒嗣封

阿台帖木兒子世祖時以武功追封永平郡公

瑣咬兒哈的迷失阿台孫泰定初以武功追封永平郡公

速哥蒙古人太宗時以武功追封宣寧王

忽蘭速哥子太宗時以武功追封雲國公子天德于思世

祖時嗣封

吐哥撒兒赤老溫曾孫至順四年以武功追封兗國公  
伯答沙赤老溫裔至順三年以武功追封威平王

孟速思畏吾人武宗時以武功追封武都王

賽典赤瞻思丁回回人大德元年以守雲南功贈咸陽王

納速刺丁瞻思丁子至元二十九年以武功封延安王

伯顏察兒納速刺丁子以武功贈奉元王

忽辛瞻思丁次子天祿元年以武功贈雍國公

布魯海牙畏吾人大德初以武勇追封魏國公

高智曜河西人世祖時以武功追封寧國公子唐延祐中

追封同其父

鐵哥休葉人皇慶中追封秦國公加贈延安王

安童霸突魯曾子大德七年贈東平中心憲王碑曰開國元勳

兀魯帶安童子大德中贈東平王

廉希憲布魯海牙子大德八年以賢臣追封魏國公加恒

陽王

伯顏蒙古人至元十八年領群臣食邑益伯顏滕州等處

四千九百七十七戶大德八年追封淮安王至正四年

進封淮王

阿木兀良氏世祖時以平中功實封秦興縣二千戶後追

封河南王

阿里海牙畏吾人至元二十三年以武功封楚國公至正

八年進封江陵王



土土哈欽察人世祖既取宋命籍建康路饒租戶千為哈  
刺赤戶益以俘獲千七百戶賜土土哈大德初追封延  
國公後加封昇王

牀兀兒土土哈子至治中累封楊王 子燕帖木兒答刺  
罕封太平王答里襲封句容郡王

阿塔海遜都思人至元二十六年以武功追封順昌郡王  
李恒字德卿西夏人至元十九年征交趾卒追封滕國公  
撒里燕只吉台氏大德九年以武功追封徐國公至治二  
年追封武寧王

不忽木康里部人武宗時以武功贈魯國公  
完澤土別燕氏大德七年以賢相追封興元王

白隆理父乞台隆理追封同

囊加及乃蠻人仁宗時以定策功封浚都王

興魯赤札刺台人大德元年以武功追封鄭國公

完者都欽察人大德二年以武功追封林國公

亦黑迭赤畏吾兒人仁宗念其屢使絕域封吳國公

哈刺解哈魯氏皇慶元年以武功封鞏國公

暗伯唐兀人世祖時以武功封寧夏郡公

葉先鼎畏吾人成宗初以武功封鞏國公

月乃合字正卿狄道人世祖時以足國用贈梁郡侯

愛薛西域人仁宗時以賢相封秦國公後追封拂林忠獻

王子也里牙襲封秦國公

禿忽魯康里人大德七年以謀國功封趙國公

唐仁祖字壽卿畏兀人大德中以賢相追封洹國公

和尚伯牙吾台氏父忽都思睿宗時戰沒于陣贈沈國公

和尚襲父職世祖時亦追封沈國公子干奴延祐中以

賢相追封衛國公

幹羅思康里人皇慶中以賢相封益國公

也先不花蒙古人天曆二年以賢相贈恒陽王

亦憐真也先不花子天曆元年以賢相追封武昌王

禿魯也先不花子天曆中以賢相追封廣陽王

按攤也先不花子天曆中以服夷功追封趙國公

鐵哥木高昌人大德中以平賊功追封雲國公 孫海壽

招復杭州路流民有恩卒封范陽郡侯

月舉連赤海牙畏兀兒人大德中以平寇功追封威寧郡

公

曷刺兀速兒吉氏延祐中以出使功追封蘇國公

脫因納答答義氏文宗時以宣力守義功臣追封莫國公

哈刺哈孫幹刺納兒氏世祖時有功至大中追封順德王

初仁宗之入也阿忽台有勇力人莫敢近諸王禿刺實

手縛之以功封越王三宮盡幸其第賜予甚厚以慶元

路爲其食邑哈刺哈孫力爭之曰祖宗之制非親王不

得加一字之封禿刺疏屬豈得以一日之功廢萬世之

制哉帝不聽

牙牙產國王族從其母歸太宗後封爲唐國王

阿沙不花牙牙子至正元年以賢相追封順寧王其繼室

別哥倫氏初以寡居志節旌後與元配達海的斤氏並

封順寧王夫人

拜任安童孫泰定初以賢相追封東平王

阿里海牙畏吾氏延祐中以賢相贈趙國王

康里脫脫阿沙不花弟至正初以賢相追封和寧王

脫脫字大用伯顏姪至正中以賢相封鄭王食邑安豐辭

不受

初燕帖木兒議封太保伯顏王爵衆論附之中書左司

郎中自當獨曰太保位列三公而復加王爵後再有大

功將何以處之且丞相封王出自上意今欲加太保王

封宜請于上王爵非中書選法也遂罷其議

哈刺章脫脫長子脫脫出師討賊被譖中毒死御史張冲

等雪其冤於是復脫脫官爵而封哈刺章申國公

時監察御史聖奴也先撒都失里等皆請封脫脫一字

王爵定諡及加功臣之號朝廷雖是之而不暇行

乃繼台木華黎五世孫祖阿禮吉失追封莒王父勿速忽

爾追封蘇王

繼台以至順元年封宣寧郡王至正八年追封魯王

別兒帖不花字大用燕只吉解氏至正十年追封冀王

續文獻通考

卷之二百九十三

十一

王成

察罕帖木兒字廷瑞北廷人至正中討山東賊爲張士誠所刺追封忠襄王改封潁川王食邑沈丘縣所在立祠

歲時致祭封其父阿魯溫汝陽王後又進封梁王  
馬祖常字伯庸昔里吉思玄孫後至元四年以賢臣贈魏國公

小雲石海涯阿里海涯孫父貫只哥封楚國公雲石海涯泰定元年以賢臣追封京兆郡公

泰不花字謙善伯牙吾台氏至正十二年守台州死于方國珍後三年追封榮國公

余闕字廷心一字天心家世河西威武人後爲廬州人至正十七年守安慶死于陳友諒追封函國公

不詳唐兀人至正十六年爲大明兵攻集慶城破而死追封衛國公

火爾赤至正中爲江西行省左丞陞平章政事加營國公亦憐真班西夏人至正十四年以疾卒于江西追封齊王

阿剌不花開平人爲江西行省叅政追封趙國公  
耶律楚材字晉卿遼東丹王八世孫太祖時歸朝當國最久至順元年追封廣寧王

耶律鑄楚材子至順元年贈懿寧王  
粘合重山金源貴族世祖時守西鄙有功封魏國公

張柔字德剛定興人中統元年以武功封安肅公至元四年進封蔡國公

續文獻通考卷之二百九十三  
王成

張弘畧字仲傑柔子元貞二年以佐理功贈蔡國公

董俊字用章真定藁城人世祖時以翊運効節封壽國公  
後改封趙國公

董文蔚字彥華俊次子中統三年留屯上都誅李璫至元  
元年奉泰定中贈壽國公

董文用字彥材俊第三子大德中以武功贈壽國公  
董文忠字彥誠俊第八子世祖時以武功封壽國公

嚴實字武松泰安長清人中統二年以武功追封魯國公  
劉伯林濟南人太祖時自金來歸後封秦國公

黑馬名疑字孟方伯林子世祖時死于瀘州封秦國公  
移刺涅兒契丹人太祖時以武功追封興國公子賈奴孫

元臣皆以功追封如涅兒

忙古帶契丹人寶童之子世祖時征雲南有功至大四年

追封濮國公

何伯祥易縣人隨太祖南伐有功追封易國公

何禕伯祥子至大三年以賢相追封梁國公

耶律阿海遼故族至元十年以武功封忠武公

郝和尚拔都太原人太宗時以武功追贈葷國公

趙瑁雲中蔚州人大祖時攻相州矢鏃中鼻側從腦後出

復戰皇慶中追封定國公

趙秉溫瑁子皇慶元年贈雲國公

張榮字世輝濟南歷城人世祖即位以武功封濟南公

高閻兒女直人元貞中以武功贈渤海郡侯

邱順保定行唐人大德三年以武功追封高陽郡公

王善字子善真定藁城人皇慶元年以武功追封冀國公

田雄字毅英北京人定宗時以武功追封西秦王

張子良字漢臣范陽人中統二年以武功追封西河郡侯

張懋字之美子良子至元十七年以武功追封清河郡侯

劉斌濟南歷城人中統時以武功贈彭城郡公

劉思敬斌子至元二十年以武功封瀕國公

趙柔涑水人至順元年以武功封天水郡公

王守道字仲履其先真定平山人至大元年以子顯貴追封壽國公

宣遠陽人皇慶二年以宣力功臣追封營國公子天德

事世祖潛邸後以功追封同其父天錫子諒仁宗時亦

以功追封如之

焦用雄州人自金歸元後以子德裕貴封恒山郡公德裕

有武功至元二十五年追封恒國公

石天麟字三瑞順州人至大二年以武功追封冀國公

賈居貞字仲明獲鹿人至元中以武功追封定國公

洪福源其先中國人後家于高麗太祖時來附憲宗時贈

瀋陽侯

鄭鼎澤州陽城人至元十四年溺死樊口後追封潞國公

鄭制宜鼎子大德十年以推忠贊治功臣追封澤國公

汪世顯字仲明鞏昌人中統三年論功追封隴西公延祐七年加封隴右王

汪德臣賜名田哥字舜輔世顯子中統三年追封隴西公

汪良臣德臣弟至元十八年以武功追封梁國公

史天澤字潤甫秉直季子至元十二年以武功進封鎮陽王

張洪範字仲疇柔第九子至大四年以武功贈齊國公延祐六年加封淮陽王

劉秉忠字仲晦初名侃因從釋氏又名子聰其先瑞州人秉忠事世祖三十餘年小心慎密精于占術至元十二年封趙國公仁宗時進封常山王

張文謙字仲謙邢州沙河人至元十三年以武功追封魏國公子晏仕至御史中丞贈魏國公

姚樞字公茂柳城人至元十三年以翰林學士承旨卒追封魯國公

許衡字平仲河內人至大二年以賢臣封魏國公

竇默字子聲廣平人至元十七年卒後以賢臣封魏國公

商挺字孟卿濟陰人至元二十五年卒延祐初以賢臣贈魯國公

魯國公

趙良弼字輔之女直人至元二十三年以賢臣追封韓國公

王盤字文炳廣平人至元末以賢臣追封洛國公

續文獻通考卷之二 十一 三頁五王成

劉肅字才卿威州洛水人中統四年以賢贈邢國公

王思廉字仲常真定獲鹿人延祐中以賢臣追封恒山郡

公

孟祺字德卿符離人至元十八年以賢臣贈魯郡公

李庭小字勞山由濟陰徙壽光至大二年以武功追封益

國公

史弼字君佐蠡州博野人元貞三年以舊臣封鄂國公

高興字功起蔡州人皇慶二年以賢臣追封梁國公元統

三年加封南陽王

劉國傑字國寶女直人父行邊患瘴卒大德中封齊國公

王恂字敬甫中山唐縣人延祐二年以賢臣贈定國公

張弘綱字憲臣東安州人世祖時以武功追封齊郡公

賈文備字仲武蒲陰人延祐四年以武功追封威武郡公

解誠易州定興人至元三十年以善水戰功追封易國公

子汝楫追封同父

郡公

汝楫子帖哥征交趾有功贈平陽

管如德黃州黃陂縣人至元二十六年討江西叛臣鍾明

亮卒于軍贈平昌郡公

周全汝寧光州人大德九年以武功追封汝南郡侯

楊漢英字熙載太原人賜名塞因不花父邦憲為播州安

撫使自宋歸元卒追封播國公至大四年漢英追封同



父

隋世昌登州棲霞人至元二十三年以武功封定海郡侯  
樊楫冠州人至元二十五年征交趾死至順元年 贈上黨

郡公

趙宏偉字子英自甘陵徙潁川至元時由宋來歸有軍功  
奉定三年卒追封天水郡侯

張礎字可用自渤海徙通州至元三十一年卒以武功封

清河郡公

呂戴字伯充河內人延祐元年卒以賢臣追封東平郡公  
王憚字仲謀衛州汲縣人大德八年以賢臣追封太原郡

公

陳天祥字吉甫自寧晉徙家洛陽延祐三年以賢臣追封

趙國公

劉宣字伯宣潞人延祐四年以賢臣追封彭城郡公

何榮祖字繼先自太原徙家廣平世祖時以賢臣追封趙

國公

陳思濟字濟民柘城人大德五年以賢臣追封潁川郡侯

趙與霖字晦叔宋宗室子大德中以賢臣贈天水郡侯

許國禎字進之絳州曲沃人至元中卒以賢臣後追封蘇

國公子宸仁宗時追封趙國公

賀仁傑字寬甫由河東徙京兆仁宗時以武功追封雍國

公延祐六年加封奉元王

賈昔刺大興人世祖時追封聞喜郡侯子丑妮子從伐宋  
追封臨汾郡公會孫禿堅不花以忠被譖死英宗時追  
封冀國公後進封冀安王加贈其曾祖昔刺祖丑妮子  
皆絳國公父虎林赤臨汾王

王伯勝霸州文安人世祖時從征有功泰定三年追封薊  
國公

雷膺字彥正渾源人大德元年以武功追封馮翊郡公  
王利用字國賓通州潞縣人武宗時以宮僚舊臣封潞國  
公

暢師文字純甫南陽人泰定二年以賢臣追封魏國公

張炤字彥明濟南人延祐五年以賢臣追封清河郡侯

張時字顯卿東平汶上人至元十一年以賢臣追封東平  
郡公

吳鼎字鼎臣燕人延祐三年以賢臣追封薊國公

劉因字夢言保定容城人延祐中以賢臣追封容城郡公

吳澄字幼清撫州崇仁人天曆中以賢臣追封臨川郡公

程鉅夫名文海避諱以字行自徽州徙建昌泰定二年以

賢臣追封楚國公

趙孟頫字子昂宋秦王德芳後家于湖州至治元年追封

魏國公又封其曾祖師垂祖希永並吳興郡公父與訐

魏國公

袁楠字伯長慶元人泰

以賢臣追封陳留郡公

曹元用字子真由河城

郡公

中以賢臣追封東平

齊履謙字伯宏善之子至

賢臣追封汝南郡公

崔斌字仲文馬邑人至大初以武功追封鄭國公

崔或字文卿弘州人至大元年以賢臣追封鄭國公

葉李字太白一字舜玉杭州人自宋歸元至正八年追封

南陽郡公

郭貫字安道保定人至順二年以賢臣追封蔡國公

郝天挺字繼先肅州人皇慶二年以賢臣追封冀國公

張珪字廷瑞弘範子英宗稱為四世舊臣刻蔡國公印以

賜

張養浩字希孟濟南人至治九年以舊臣追封魏國公

敬儼字威卿由河東徙易水天曆中以賢臣封魯國公

李元禮字廷訓真定人大德中以賢臣追封龐西郡侯

王壽字仁卿涿郡新城人至大三年以賢臣贈趙國公

王倚字輔臣東萊人至元二十九年以賢臣追封太原郡

侯

侯

劉正字清卿青州人延祐六年以賢臣贈趙國公

謝讓字仲和潁川人仁宗時以賢臣追封陳留郡公

韓若愚字希賢保定滿城人天曆三年以賢臣追封南陽

郡公

趙師魯字希顏霸州文安人後至元三年以賢臣贈天水郡侯

劉德溫字純甫大興人至順四年以賢臣贈彭城郡侯

張思明字士瞻由獲嘉徙居輝州後至元三年以賢臣贈清河郡公

吳元珪字君璋廣平人泰定元年以賢臣追封趙國公

陳顯字仲明青州人至正十四年以賢臣追封蘇國公

劉敏甲字端甫章丘人延祐五年以賢臣追封齊國公

王結字儀伯易州定興人後至元四年以賢臣追封大原郡公

賀勝仁傑子至大中被譖死泰定初雪其冤追封秦國公

至正三年加封涇陽王

楊朵只兒寧夏人仁宗時爲鐵木迭兒譖死後昭雪追封夏國公

蕭醜奴契丹石抹氏太祖時自金降元追封順國公子青

山從伐宋有功青山子哈刺帖木兒少事裕宗于東宮典宿衛仕知檀州皆追封順國公帖木兒子拜任相仁

宗爲鐵木迭兒譖死泰定間追封薊國公

耶律希亮字明甫楚材孫泰定四年卒追封涿水郡公

趙思延字子敬雲中人歷事九朝天曆中以賢相封魯國公二年改涼國公後至元元年仍封魯國公至正二年

又追封魯國公子伯忽天曆初死難于蜀追封蜀國公

續文獻通考 卷之三百九十三 十五  
元明善字復初大名清河人泰定間以賢臣追封清河郡公

虞集字伯生宋允文五世孫至正八年以賢臣封仁壽郡公

揭傒斯字曼碩龍興富州人至正六年以賢臣追封豫章郡公

黃潛字晉卿婺州義烏人至正中以賢臣追封江夏郡公  
歐陽玄字康公由廬陵遷瀏陽至正十七年以賢臣追封

楚國公  
李術魯神字子輦廣平人後至元四年以賢臣追封南陽郡公

王克敬字叔能大寧人元統二年以賢臣追封梁郡公  
陳思謙字景讓祐之孫至正十二年以賢臣追封魯國公

汪澤民字叔志婺源人至正中死于宣州寇追封譙郡公  
李稷字孟函滕州人至正二十四年以賢臣追封齊國公

莆蓋字耘夫元城人至正中以賢臣追封魏國公  
曹鑑字克明宛平人後至元元年以賢臣追封曹郡侯

董搏霄字孟起磁州人至正中死于河南毛貴賊追封魏國公弟昂霄同死追封隴西郡侯

瞻思字得之豐州人後至元十一年以賢臣追封恒山郡侯

田滋字榮甫開封人大德十年以良吏追封開封郡公

續文獻通考 卷之百九十三 十三  
卜大璋字君璋洛陽人至順二年以良吏贈河南郡侯  
劉天孚字裕民大名人至正中不屈于陝西叛臣阿思罕  
而死贈彭城郡侯

李黼字子威潁人至正中守江州罵賊而死追封隴西郡  
公

褚不花字君實石樓人至正十二年死節淮安追封衛國  
公

郭嘉字元禮濮陽人至元十八年死節上京封太原郡公

孫撫字士謙曹州人至正中死節高郵追封曹南郡公

樊執敬字時中濟寧人至正中死節餘杭追封魯國公

王伯顏字伯敬濱州霑化人至正中死節福寧州追封太

原郡侯

趙峻台趙世延子至正中死節江陵追封涼國公

陳君用字子才延平人至正中死節建寧路追封潁川侯

丁好禮字敬可真定人至正二十七年為中書平章政事

議論不合謝政去特封趙國公

杜瑛字文玉由信安徙河南緱氏天曆中以隱逸追封魏

郡公 外戚封爵

聶古解駙馬由北平王進封鄒王

木忽難駙馬至大元年襲封鄒王

丑漢駙馬皇慶元年改封安遠王

續文獻通考 卷之三百九十三 二十四 三頁九 堯

幹陳駙馬封魯王

蠻子台駙馬由濟寧王進封魯王

阿不反駙馬大德十一年封魯王

瑯阿不刺駙馬始封鄆安王武宗初即位時封魯王

阿里加失立 馬至大四年封魯王

桑哥八刺駙馬元統元年封魯王

火星兀察兒駙馬泰定皇后父泰定二年封威靖王

李要哈駙馬封趙王

愛不花駙馬封趙王

君不花駙馬封趙王

闊里吉思駙馬成宗封高唐王大德二年封趙王

加台駙馬封趙王

喬隣察駙馬封趙王

主忽駙馬至大元年封趙王

阿魯台駙馬延祐七年封趙王

馬朴罕駙馬泰定元年封趙王

李禿駙馬封昌王

鎖兒哈駙馬封昌王

札忽爾陳駙馬封昌王

忽憐駙馬封昌王

八刺失里駙馬封昌王

沙監朶兒駙馬由懿德王進封昌王

續文獻通考 卷之三百九十三 二十五 周遠

阿失駙馬延祐四年封昌王

合伯駙馬大德十年封昭武王

木刺忽駙馬天曆二年封廣平王

唆都哥駙馬至元二十三年封寧昌郡王

不憐吉友駙馬封寧昌郡王

昌吉駙馬初無國邑後改封寧濮郡王

脫脫木兒駙馬大德十年封濮陽王延祐四年進駝王

孛羅帖木兒駙馬後至元二年封毓德王

床兀兒欽察人尚也先帖爾公武宗即位封容國公二年封句容郡王後文宗以其子燕鐵木兒有大功封其

曾祖父班都察溧陽王曾祖妃王龍徹溧陽王夫人祖

父土土哈昇王祖妣大哈爾昇王夫人父床兀兒楊王

母也先帖爾公主察吉兒並為楊王夫人

三寶奴高麗奇氏順帝后族武宗時由渤國公加應國公

燕鐵木兒女伯牙吾氏為順帝后以功封太平王進德王

撒敦燕鐵木兒弟元統初封榮王

唐其勢燕鐵木兒子襲封太平王後以謀逆誅

伯顏尚世祖閣出太子女孫伯顏的斤以翊戴順帝功由

濟寧王封秦王後以橫逆誅

馬札兒台伯顏弟至正元年封忠王

恩澤封爵

張與材龍虎山道士號正一天師漢張道陵三十六代孫

續文獻通考卷之三十九十三



武宗即位來觀特授金紫光祿大夫封留國公錫金印  
張留孫字師漢信州貴溪人大德中以道教追封其三代  
皆魏國公

吳全節字成季饒州安仁人至大三年以道教追封其父  
司徒饒國公母饒國太夫人

田忠良字正卿平陽人延祐四年以方伎追封趙國公

靳德進先潞州人後徙大名仁宗時以方伎贈魏國公

孫威渾源人至大二年以工藝封神川郡公子拱大德九  
年封如其父

阿尼哥尼波羅國人至元十五年以工藝封涼國公

鐵木迭兒者木兒火赤之子仁宗時以好佞追封其三代

並歸德王

搠思監亦憐真之子後至元十八年以佞倖封其曾祖孛

魯海為雲王祖也先不花為瀛王父亦憐真為冀王

塔塔統阿畏兀人世祖乳母夫至大二年追封雁門郡公

力渾迷力塔塔統阿子世祖時以乳母子統宿衛封雁門

郡公

完顏伯顏成宗乳母夫至元三十一年六月封為冀國公

妻何氏為夫人

燕家奴武宗皇太子乳母夫大德十一年武宗即位封為

壽國公妻李氏為壽國夫人

石抹明里武宗保母夫大德十一年武宗即位封為順德

公其妻梅仙封順國夫人

外國封爵

世祖中統二年封陳光昺為安南國王 至元十三年封

宋主累為瀛國公 十五年封宋福王與昺為平原郡

公二十四年卒以子孟桂襲封

成宗大德十一年封高麗王暉為潘王

仁宗延祐三年封高昌主紐林的斤為高昌王 六年封

高麗王璋為潘王後高麗王燾亦封潘王

英宗至治三年封高昌主帖睦兒普化為高昌王天曆二

年讓其弟錢吉襲封

泰定帝三年封高麗王崑為潘王

文帝至順三年封高昌王太平奴為高昌王

皇明進士雲間王圻纂輯

封建考 皇明同姓上

皇明

太祖既正大位大 詔天下云昔帝王之子居嫡長者必

續文獻通考卷之一百九十三終

續文獻通考

卷之二百九十三

周逸

續文獻通考卷之百九十四  
三十一  
四十五

文帝至則三年封高昌王太平双蓋高昌王

續文獻通考卷之一百九十四

皇明進士雲間王圻纂輯

封建考 皇明同姓上

皇明

太祖既正大位大 詔天下云昔帝王之子居嫡長者必

正儲位其眾子當封 王爵分茅胙土 錫以其國

朕今有子十人即位之初已立長子某為 皇太子諸

子之封本待報賞功臣之後然尊卑之分所宜早定於

是卜吉日廷冊 命王置相傳設官屬定禮儀列爵而

不臨民分土而不任事外鎮邊圉內控雄域猗歟盛哉

二百年以來無變制之虞有請祿之擾自 親王以至

續文獻通考卷之百九十四

中尉自儀賓以及縣君之類繁衍之數倍昔幾何歲計之恩倍昔幾何國家經費之廣殆無以踰馬吏部侍郎張治嘗撰封建譜有云班固所謂親親賢賢褒功表德深根固本不可拔也我朝封諸王於國而政不與焉其所謂親愛富貴仁至義盡者與

吳元年冬太祖念七子漸長宜習勞遂令內使制麻履行騰凡出城稍遠馬行十七步十三洪武二年己酉設宮相府是年令博士孔克仁授諸子經三年庚戌夏四月封子奕等凡人為王及其姪孫守謙為靖江王禮成遂告太廟宴群臣於奉天門文華殿因諭廷臣曰朕非私其親乃遵古先哲王之制為久安

長治之道廷臣對曰陛下封建諸王以衛社稷天下萬世之公議太祖曰先王封建所以庇民周行之而久遠秦廢之而速亡漢晉以來莫不皆然戊子詔更定皇太子親王等封爵冊寶之制皇太子親王俱授以金冊金寶皇太子妃王妃止授金冊不用寶皇太子嫡長子為皇太孫次嫡子并庶子年十歲皆封郡王授以塗金銀冊銀印親王嫡長子年十歲授以金冊金寶立為王世子次長子及庶子年十歲皆封郡王授以塗金銀冊銀印凡王世子必以嫡長如或以庶奪嫡輕則降為庶人重則流竄遠方若王年三十正妃未有嫡子其庶止為郡

王待王與正妃年五十無嫡子始立庶長子為 王世子若 王世子襲王及 王世子并 郡王娶妃 郡王受封並 郡王嫡長子襲封 朝廷遣行人 冊命之禮 郡王子授鎮國將軍孫授輔國將軍曾孫授奉國將軍玄孫授鎮國中尉五世孫授輔國中尉六世孫以下授輔國中尉其有文武才能堪任用者 宗人府具以名聞考驗陞轉如常選法如或有犯 宗人府取問明白其實實素聞輕則量罪降等重則黜為庶人但明賞罰不加刑責著為令

秦王爽 太祖第二子生而岐嶷嚴毅英武年十五受封秦國西安二十三而之國 上委以關西兵事得專行

賞罰每歲秋巡邊大將皆受節制 王軍令嚴肅所過秋毫無犯未嘗妄殺一人二十七年征西番薨疾卒年四十謚愍子六長尚丙嗣凡十八年卒謚隱次尚列尚昱尚育尚工尚介永樂十年坐罪降庶人安置泗州宣德中赦還葬 愍王墓 隱王子四嫡子志亘永樂十年嗣凡十三年卒謚僖無子庶兄志亘永樂二十二年以 渭南王嗣凡三年卒謚懷無子弟志 紱宣德三年以 富平王嗣凡二十八年卒謚康長子公易天順二年以 秦世子嗣凡二十九年卒 王好文睦族知禮謚惠長子誠永成化四年以 鎮安王嗣凡十一年卒 王好書崇儉有禮謚簡無子以 臨潼子秉 襲嗣凡

二年卒謚昭秉 雙祖公名臨潼惠簡王父誠采臨潼和  
僖王也公名 康王之子至是以孫貴追封 安王誠  
采以子貴追封 莊王 昭王三子長惟卓正德四年  
嗣已而王請瀆關以西鳳翔以東河墘地曰 皇祖以  
賜臣先王爽也戶部尚書梁材執議曰陝西外供三鎮  
內給四王民困已極視國初生產物力千萬不侔豈得  
空地更給諸王從之 詔不許 王事生母蕭氏孝謹  
而守臣以聞 上遣 敕旌之嘉靖二十年進黃金千  
兩白金萬兩助建 宗廟 詔歲加祿米二百石玉帶

晉王 太祖第三子母 孝慈皇后 王聰明英銳眉

目秀聳美鬚髯顧盼有威容嘗學文於學士宋濂學書於  
錄事杜環年十三受封晉國太原又七年而之國未  
幾以罪廢 懿文太子調護得還三十一年春三月乙  
未薨謚恭子濟喜嗣永樂初封其弟濟黃 平陽王濟  
玄 慶成王濟喜子美圭封 晉世子初濟黃狠戾失  
愛憾其父并憾濟喜不為解嗾 慶成諸王日譖濟喜  
於 朝又誘府中官校文織之得罪褫爵美圭亦廢為  
庶人濟黃遂嗣王益驕橫百方幽苦濟喜父子 恭王  
有老嫗不能平走訴 成祖立 詔獄中 晉府承奉  
左徵問之得其狀即釋徵令馳驛召濟喜父子時濟喜  
囚空室中已十年先是濟黃亦構誣左徵佐濟喜逆逮

治京師府中因言徵久死及至一府大驚徵入空室  
解濟喜縲紲相抱持大慟濟黃自是怨望出悖語濟喜  
父子見上行在濟喜病憊甚上見之惻然不直濟  
黃遂封美圭為平陽王俾奉父居平陽恭王故有  
田在連伯灘成祖以與美圭濟黃奪之美圭以聞  
仁宗再三諭濟黃還美圭不從美圭言連伯灘地隸  
平陽不隸太原因及曩誣構事仁宗遣人視灘果隸  
平陽又書諭濟黃美圭父子困頓累年詩曰鵲鴿在  
原兄弟急難每用吟咏感念無已緬維賢弟同我此心  
亦書諭美圭朕諭晉王讓汝田兄弟叔姪本同一氣  
姪事叔益恭愛父當憐汝濟黃得書又聞朝廷賜

喜王冠服遂廣致妖巫府中造呪詛事仁宗崩又不  
服喪宣宗即位憐濟喜父子時常問勞濟黃呪詛事  
益露踪跡自度罪不可解遣人結高煦謀不軌日夜造  
兵器寧化王濟與告變上曰勿洩擒高煦又得濟  
黃交通書上又曰勿洩濟黃益反側不自安其所遣  
詣高煦人又走京師首服內使劉信又奏濟黃擅取屯  
糧十萬餘石納護軍欲反應高煦并呪詛事寧化王  
又言濟黃毒殺其母濟黃懼始辭王爵及護衛不聽  
上遣敕召入京示以諸狀濟黃伏地請死上書  
諭諸王去歲高煦反罪人既得奸黨人皆言趙晉二王  
實預謀朕未忍信今晉府人累上告變徐察之有驗不

誣趙王自知事不可掩詭護衛濟黃得罪 宗社不敢以私情廢大義謹遵 祖訓免為庶人屏之鳳陽誅其同謀及妖巫數人遂復濟喜晉王卒謚定美圭正統初嗣王卒謚憲子鍾玄嗣卒謚莊

按晉王第三子慶成王生一百子俱長成自封長子餘九十九人並封鎮國將軍每會紫玉盈座至不識面人皆龍準此古今極異事也

燕王即 成祖皇帝乃 太祖第四子

周王肅 太祖第五子母 孝慈皇后 王育子孫貴妃

妃卒服以慈母斬哀三年主喪事受封吳國錢塘已而上謂浙江財賦地 詔工部尚書張允吳府且勿建

十一年改開封國號周即宋故宮為府建文中有告王反逮京胤雲南諸子並別流尋召還南京靖難兵入首復其爵增祿五千石尋以開封圯河水建邸洛陽未幾又還開封封其長子有敦為 周世子次有動 汝南王有亘 順陽王有爵 祥符王有喜 新安王有光 寧王有扁 汝陽王有廣 鎮平王有弗 宜陽王 永樂八年請祀 太祖 上書諭支子不得祭 太祖 王國祀始封之君不許又有告 王不靖 上遣都御史王彰 諭意 王大懼遂還護衛洪熙初加祿五千石通前共二萬石卒謚定有敦嗣卒謚憲無子弟 祥符王有喜 嗣景泰三年卒謚簡子后嗣卒謚靖無子弟



通許王子防嗣卒謚懿子同庶嗣卒謚惠子 安橫世

子早卒以其子睦審嗣贈 周悼王審卒謚恭 世子

勤息早卒世孫朝岡嘉靖十八年嗣

楚王真 太祖第六子母 昭敬元妃胡氏至是受封楚

國洪武九年冬十月丁卯之國 王天資英睿 太祖

鍾愛之 王銳情經史嘗錄 御註洪範及大寶箴于

座右以時玩警建文庚辰卒謚昭孟完以世子嗣天性

孝友小心畏義以故靖難初不被譴責所著樂善堂記

求放心論無妄齋說等篇以自省覽正統四年卒謚莊

子季兒以 武陵王嗣卒謚憲無子季叔嗣卒謚康無

子成化元年冊 東安恭定王之子勻屯為楚王弘治

戊申冊其子榮誠為世子正德初 王卒謚靖榮誠嗣

卒謚端子男三長顯容嗣嘉靖乙巳正月辛亥子英耀

弒父顯容獄具 上命公朱希忠祭告 祖廟斬于市

焚屍揚灰同謀者劓于藩書 諭各 王府次子英

嗣

齊王專 太祖第七子國青州嘗兩奉 敕出開平備胡

建文初告 王叛召至京廢為庶人與 周王皆繫禁

靖難兵入二王大喜曰吾屬幸不死矣出之復其封尋

封其子賢廷 樂安王賢俊 長山王賢寮 平原王

專之國驕縱 上賜書 諭飭來朝又 面諭曰無忘

患難時也王益懼遂陰結無賴刺客及僭 帝號呪詛

續文獻通考卷之九十四

護衛兵守青州府城北門自廣智門外

會名深等告變 上匿之 詔索珙且 諭專悔過未

幾入朝 廷臣文章論劾專屬聲曰奸臣又欲喋喋效

建文時殺我耶會當 此輩 上不悅遂留專罷護

衛指揮柴真等 容盡釋所繫囚及諸造不法

器械 廷議請誅教授葉垣等 上曰專竟暴縱恣性

習使然朕與王君臣兄弟出之囹圄寵以爵祿恩禮渥

洽誠心溫詞開諭至六七不悛教授輩如王何況垣等

先發其事可勿論專益出怨言遂召其子至京並奪爵

宣德三年專及賢廷三子暴卒景泰五年夏五月 敕

南京守備將齊庶人置廬州者移置南京慎防之時齊

庶人賢赫專少子也尚幼會谷庶人絕而齊庶人得其

第居焉嘉靖十三年釋高墙庶人長輕即專曾孫云

潭王辛 太祖第八子母 達定妃至是纔二歲受封潭

國長沙十五年之國 王聰敏嗜學善屬文嘗召府中

儒臣設醴賦詩為高下出邸中皆為賞洪武二十三年

以妃家坐事 王不自安 太祖遣使 諭慰且召見

王大懼與妃俱自焚死無子國除

趙王已 太祖第九子洪武二年生是年受封趙封之日

秦晉燕周楚五王升殿受 冊寶 齊潭趙魯四王

幼內宮保抱四王就位受 冊寶又明年已卒

續文獻通考卷之九十四

四、廿五

歷觀諸籍則我太祖實生二十七子而趙王已王子南俱殤故不傳但趙王於庚戌一歲受封踰年卒則詔書云十子當有趙王也因其未就國故逸之而後人遂以蜀王補焉考蜀王則洪武四年始生也王禕代封諸王詔亦有第九子已為趙王第十子亶為魯王云

魯王亶 太祖第十子母 郭惠妃陽信公女 王生兩月而封魯國兗州 王幼聰慧好文學善詩歌年十五之國常愛服金石藥致毒傷目 二十二年閏十二月庚戌卒謚荒 冊曰朕惟有天下者必封建諸子藩屏帝室所望恪守彛訓永終天年而或有不如意者豈

足慰朕心爾亶教自孩提期于成立及年既長遂錫封夫何之國以來比暱匪人怠於政事嘗屈法伸恩冀省厥咎乃復不知愛身之道以致夭折生封死謚古典昭然嗚呼父子天性也謚法公議也朕於爾親雖父子詎得以私恩廢公義今特謚爾曰荒昭示冥漠用示方來子肇軍永樂元年嗣宣德九年卒謚靖子泰甚成化三年嗣九年卒謚惠子陽壽成化十二年嗣嘉靖十二年卒謚莊世子當從早卒十三年以孫觀定嗣王

靖江王守謙 太祖姪孫也文正之子兄 南昌王之嫡孫初 南昌王早逝文正儲母王氏出避亂與 太祖失至正甲午聞 太祖起濠子母來歸 太祖撫文正

甚愛之比長爲擇師文正遂涉傳記長材畧隨渡江定  
建康擢樞密院同知辛丑改樞密爲大都督府 命爲  
大都督節制中外諸軍事壬寅夏四月徐達再定南昌  
太祖曰南昌非骨肉重臣莫能治之五月受 命統  
元帥趙德勝薛顯同叅政鄧愈往鎮南昌特選儒士郭  
子章劉仲服爲叅謀文正居守號令嚴飭遠邇震服諸  
寨頭目皆招致之止誅其好訟者數人已而有降復叛  
者盡繫赴京 太祖曰此等心持兩端不殺何待盡縛  
而沉諸江境內肅然癸卯夏陳友諒大舉圍南昌甚危  
文正率諸將備禦尤整友諒兵數臨城幾破文正不爲  
動守益力八月友諒死文正仍守南昌乃專任掾吏衛

達可等爲心腹達可儉邪人也誘引非道文正日即  
淫每探奪人美女子入內旣盈其欲輒投之并不欲更  
爲他人所狎往往殺人甚衆 朝使至厚遺之以故不  
聞時江西新按察使李飲水僉事凌說廉其實劾奏之  
文正懼謀叛降張士誠 太祖大驚曰噫此子不才非  
吾自行不可即日登舟抵南昌追城下文正倉卒謁  
上泣曰汝爲何輒起此意遂載與俱歸群臣請伏法  
太祖曰吾兄惟此兒乃按其狀得郭子章劉仲服衛達可  
等不法誅之 高皇后進曰文正自過江以來克太平  
破也先取建康累立戰功令守江西克陳氏亦有智勇  
况骨肉親姪請宥之 太祖曰 后言是也釋之免其

官安置桐城尋命往荊州築城竣事還畿欲用之文  
正又出不遜語太祖欲廢之高皇后又進曰文正  
止是性剛恐無此心文正母見存當念其母子之情曲  
赦之太祖從之命往濠州墓祭夜與從者嘖嘖有  
異志從者以告太祖遂廢之乃召其子鐵柱語之曰  
兒無恐爾父違訓教忘艱難恣克狡貽我憂我育汝長  
且封汝我終不以汝父廢汝未幾文正卒至是封為  
靖江王國桂林更名壽尋改今名無何亦以淫虐廢為  
庶人使田鳳陽七年復其王益貪暴不法召入京遂錮  
之洪武二十五年卒子贊儀尚幼太祖封為世子留  
京比長恭慎好學能書三十年春受命省晉燕周

楚齊蜀代肅遼慶谷秦諸王先自湘入蜀歷陝西出河  
南上山西抵大同宣府北平東至大寧遼東轉於山東  
擇文武忠厚之士以從上念贊儀年幼欲其知親親  
之義且令涉山川險易也永樂中之國卒謚悼僖子佐  
敬嗣卒謚莊簡子相承嗣卒謚悼順子規嗣卒謚昭  
和子約獻嗣卒謚端懿子經扶嗣卒謚安肅子邦寧嘉靖  
六年嗣

蜀王春太祖第十一子洪武十一年戊午封為蜀王  
國成都王母郭惠妃滁陽王文也王生於洪武  
四年最有賢德沉志學問經藝博洽旁及釋典太祖  
鍾愛之嘗呼為蜀秀才云乙丑冬受命閱武于中都

比至首闢西堂以讀書自娛每暇即召儒士探討經史  
商確異同沉潜殆忘寢食時翰林編修李叔荆掌中都  
國子監事大被親寵明年揭忠孝為藩四大字以自警  
又三年四月召名僧來復入講嘗自為四箴曰正心曰  
觀道曰崇本曰敬賢命復為記又明年戊辰春建寶訓  
堂于殿之西奉 祖訓錄于中先代帝王大經大典咸  
列于左亦令復記之召蘇伯衡李叔荆入西堂講道論  
文至無虛日又延師儒以教扈衛百官子弟之俊秀者  
俾有成立 太祖聞而益愛之三十二年己巳春召還  
其年遂之國首賓致方孝孺教 世子永樂三年來朝  
二十一年卒謚獻子六長悅兼次悅翟悅尊悅斤悅邵

悅希悅兼早逝謚悼莊子友育嫡孫也永樂二十二年

嗣初友育為 世孫叔 華陽王悅翟誅奪適 獻王

怒斥去不悛益怨誣友育聞于 朝召二人叔姪自明

比至 成祖崩 仁宗察其誣友育遂得之國未幾悅

翟又走京誣友育 仁宗怒抵奏地下曰適庶大倫于

分誣親獨不畏鬼神乎謂侍臣曰悅翟虧忠孝懷奸讒

使歸蜀終亂其國徙武岡州又徙澧州宣德六年友育

卒謚靖無子七年弟友熏以 羅江王嗣九年以風疾

卒謚僖無子叔悅邵宣德十年以 保寧王嗣儉飭守

禮法天順五年卒謚和子友亥善草書天順七年以

世子嗣是年卒謚定子申支嗣成化七年卒謚懷無子

是年弟申猷以通江王嗣好學能文弘治六年卒謚  
惠子賓翰嗣仁厚好儒術正德三年卒謚昭子讓羽嗣  
嘉靖十五年守臣奏王忠孝賢良上特褒賞二十  
年進黃金千兩白金萬兩助建宗廟詔歲加祿二  
百石王帶一王受帶辭祿世子承禽嗣

湘王白太祖第十二子國荊州洪武四年八月生母

胡順妃豫章侯胡美女也王明敏好學能文章嘗開  
景玄閣招延俊乂編輯墳典尤善道家言自號紫虛子  
膂力過人握弓矢刀槊馬上走如飛尤慕古兵法發談  
輒有老將所不及者建文初或告王反朝廷遣使  
即詔王王懼縱火焚宮奮身投火妃從之闔宮

皆死謚戾無子國除葬江陵西大暉山靖難後改謚獻

命學士解縉撰碑有遭讒害已從容就義不辱其身

不降其志之句云或曰王偽造寶鈔殘害殺人朝廷

其宮乘馬執弓躍入火中死

代王圭太祖第十三子封為豫王至二十四年改封

代王國大同鄭曉云母徐妃武寧王女也或曰母下邳王

太祖初起兵一日過其家已晚其母曰人言汝當為

天子因留宿詰旦太祖辭去母曰後有娠何為識

太祖以敵梳為識母亦出奩中裝以贈既而娠遂

生代王及太祖即位子且長矣母携子奔識謁

太祖命工部別置外館居之不令入宮至是封于代姑述以俟考云王建文時廢為

庶人靖難後復之王稍不自檢嘗與其子遜斗遜去月

褻衣冠行市袖鍾釜傷人上聞之貽書戒諭王亦

悔正統十一年卒謚簡 世子遜端早卒以其子仕 屢

嗣十三年贈謚遜端曰戾天順七年仕 屢卒謚隱子成

東嗣弘治二年卒謚惠子聰永嗣尋坐不法革爵已又

不悛 孝宗曰稔惡不悛居喪酗酒荒淫不遵 祖訓

難居藩府遂降為庶人并其宮眷安置山西省城十一

年卒謚思子俊 夫嗣嘉靖三年大同軍叛 王東走宣

府 上遣光祿卿蕭淮問 王六年卒謚懿九年子克

翟嗣請郡王庶子祿禮部言郡王庶子無長兄得嗣郡

王者不復得支將軍祿長孫亦如之不許十一年大同

軍又叛 王亦東走宣府 上又遣官問 鄭曉云王父子再遭禍變忠憤自檢得不得為諸逆染

嘉靖二十五年將軍克克等為惡以從史誘虜酋小王子入寇大同 下自經燬屍

肅王 英 太祖第十四子初封 漢王至二十四年改封

肅王國其州建文初徙蘭縣 永樂十七年卒謚莊

庶長子贍 自 二十二年嗣洪熙初增祿五百石宣德初

又請祿 宣宗曰朕遵 祖訓不敢違遂寢天順八年

卒謚康子祿 卑 成化四年以 洵陽王嗣十五年卒謚

簡子貢 宗 成化二十三年以 汾川王嗣嘉靖十五年

卒謚恭子真於 弘治四年封世子 嘉靖五年卒謚

安和次子弼 光 初封鎮國將軍 嘉靖十一年改封

世孫十七年嗣贈其父曰靖 隆慶四年十一月

肅府輔國將軍 緡 貴 既理府事乃謀襲爵入賂內官陳



洪熉 延長王真竟代奏禮部尚書殷士儋以例却之  
旨曰極邊重地須用 親王鎮之士儋復奏言條例  
親王絕非親弟姪不得襲繒貴 懷王從父也而又  
駕為極邊 肅府昔封甘州誠為極邊今徙蘭州則內  
地矣即云邊郡但選 郡王之賢者以理府事自足扞  
衛何必更張以徇私請而撓公典乎不聽

遼王直 太祖第十五子二十六年癸酉春封先是居廣  
寧城有司以士馬未集宮殿未建為言 上命王駐節  
大凌河未幾召還 京師已卯之國 王諳練邊務屢  
樹奇功 上多所褒賞 王嘗撰忠孝為藩詩多為人  
所稱述靖難後請封荊州從之仍稱遼王永樂二年之

國卒謚簡子貴英嗣是為 肅王肅王子 靖王靖王  
子 惠王惠王賢而好禮嘗開寶訓堂以珍 列聖所  
賜宸翰 廖道南曰予聞諸張陽峰寓史局稱 惠王  
賢而未有以覲也乃閤光澤所修荆志讀之益知 王  
所樹立及觀 國史乃見 皇祖封建初意惓惓以守  
邊為 諭其慮深且遠矣嗣王徙封於荆委秦寧朶顏  
手憐三衛遂置廣寧為孤注而山海獨石不相應援門  
庭之危鎖鑰之防胡可忽哉 惠王之後嗣者荒淫不  
軌至隆慶初廢國遂除嘗閤國初諸 親王府皆 賜  
有供祀樂戶遂盛立妓院至是 遼王憲節淫于妓每  
潛行院中事多不法巡按郜光先以聞輔臣張居正與

遼王有隙遂遣刑部侍郎洪朝選就訊坐以淫酗憲  
節錮高墻國除自是 諸王府皆廢妓院時隆慶初年  
也

慶王旃 太祖第十六子國寧夏王母 余妃先二十四  
年封慶陽至是徙韋州建文三年冬移寧夏不樂初許  
歲一至韋州度暑宣德初上言寧夏卑濕水泉惡乞仍  
居韋州不許許如未樂例未許衛人告 王反 上  
致書 諭王小人誣叔祖置之法慎勿疑內臣馬安住  
自寧夏歸言 王以謗故不自安 上又書 諭王五  
年請入朝不許王遂請移家寧夏如未樂洪熙得往來  
韋州許之正統十三年卒謚靖子秩金嗣景泰元年以

虜數入寧夏 王與其弟 安化王秩各上書乞徙  
地不許又言冕服以紗製請易紵絲 上曰 祖制朕  
不敢易成化五年卒謚康子遂 繼成化七年以 平涼  
王嗣十五年卒謚懷弟遂 屏成化十七年以 岐陽王  
嗣弘治四年卒謚莊子寘 叔弘治七年以 洛交王嗣  
十年卒謚恭子台 允弘治十六年嗣嘉靖初謀不軌  
廷議請如 代王聰禾例徙四安不許降庶人留邸歲  
與米三百石已又不悛十一年巡撫都御史楊志學巡  
按御史毛鳳韶等奏 王怙終稔惡無復改圖殘虐家  
子衆叛親離及稱寧夏為極邊要鎮往因台允之變深  
貽西顧之憂今 諸王構忿妄生事端以致驚疑人心

乞要將伊遷發用絕厲階于是禮部侍郎夏言題乞比  
照聰禾例遂及其宮眷等二十人安置陝西城中言又  
題稱台先雖經革爵迄今見存若預將伊子膏質冊  
立為王考之典禮既屬無稽揆之名分亦有未順乞照  
代府長子俊丈例准封為世子令其管理府事從之  
十二年 世子及 懷王妃王氏乞恩留台先故鄉禮  
官執議不可十五年 兩宮徽號恩詔許台先還邸仍  
與官帶

宣

准

太祖第十七子十四年封國大寧 王多智善

謀從 成祖起兵靖難及 成祖正大位因乞改衛

王初欲得蘇州 成祖曰蘇州圻內不許又欲得杭州

成祖曰五弟初封錢塘為吳王 皇考以為不可改

開封建文無道封其弟允通為吳王竟不克享建寧荆

州重慶東昌皆善地惟弟擇焉 寧王得書遂出飛旗

令有司治馳道 上大怒 王不自安屏衛兵五六老

中官走南昌稱病卧城樓乞封南昌從之即藩司為府

第居焉人有告 王誹謗巫蠱 上書 諭敕之 王

乃稍自戢洪熙初又言江西非其封國請改封 仁宗

曰叔受封 先帝已二十餘年朕不敢違宣德初特大

父行往往恣橫請于 朝命三司官着朝服如 天子

儀入賀元旦長至千秋等節仍習儀鐵柱觀副使石璞

以聞 詔切責之時 廷議宗室將軍祿米視品 王

抗言宗室安得有品詞不遂適 漢府以叛誅 上厲

詞荅云將軍中尉有品 祖訓也 王不得棄 祖訓

肆煩說 王即不謹非獨群臣有言不已天下人心亦

不容已徒恃尊屬誣讎 朝廷典憲具存朕不敢庇尋

乞灌城田不許遂托志神仙正統十三年卒謚獻子五

人長盤式未嗣卒謚 莊惠世子次盤軍 臨川王以

罪廢為庶人幽高墻盤兆 宜春王盤 主 新昌王盤

美 信豐王景泰元年盤式子奠音以世孫嗣七年坐

事革護衛弘治四年卒謚靖子覲易嗣十年卒謚康子

宸濠嗣母出馬計兒故娼也正德中以叛誅國遂除 岷王便 太祖第十八子二十七年封 王與 湘王同

女生而英毅沉重有謀先是受封雲南建文時遣西平

侯沐晟偵 王過遂被譴流漳州靖難後召還復爵永

樂二年改封武岡卒謚莊子徽夜立卒謚恭 恭王子

順王 順王子簡王 簡王子彥天嗣天資俊逸獵情

經史尤善詩工畫

谷王惠 太祖第十九子二十七年封國宣府 鄭曉云

王與 蜀王同母即 如意王是也建文初 召入

京坐罪廢為庶人 命守金川門靖難兵至庶人開門

迎謁 成祖正大位 賜雅樂七奏衛士三百及金綺

寶鈔鎗劍與馬增祿三百石徙封長沙茹瑄過其國不

朝被繫死有司以聞 上心愈疑遣監察御史歐陽謙

偵伺之謙具以逆奏庶人懼自焚死國除

韓王公 太祖第二十子國開原永樂五年卒謚憲子冲

或永樂八年嗣二十二年改平涼正統五年卒謚恭子

範已正統七年以 開城王嗣九年卒謚懷弟範仰正

統十一年以 西鄉王嗣景泰元年卒謚靖子徵十景

泰元年以 高陵王嗣成化五年卒謚惠子偕克以

廣安王嗣十年卒謚悼弟偕鬻十二年以 彰化王嗣

弘治十四年卒謚康無子弟之子旭遷十七年以 通

渭王嗣嘉靖十三年卒謚昭子融遂十五年嗣請食鹽

食茶戶部言茶易戎馬鹽供邊餉不許世子謨典 鄭

端簡公曰 諸王惟韓土瘠瘠薄人眾甚貧往往凌劫

有司平涼知府吳世良鄭珩任守德王松皆被窘辱

危等百五十人至闡總制尚書吁至今日 諸王府祿

米奚啻一韓已耶

潘王 太祖第二十一子二十四年封國潞州 王母

趙貴妃永樂六年之國宣德六年卒謚簡子信享八

年以 武鄉王嗣景泰中 王父子與州官數置酒大

會巡撫朱鑑以聞有 旨凡諸王非時令 萬壽節不

得輒會飲酒著為令天順元年卒謚康 王九子長天

次幼學天順三年嗣正德十三年卒謚莊子全正以

西陽王封世子嗣嘉靖六年卒謚恭無子弟全禾初封

靈川王卒謚恭懿以其長孫胤多十年嗣子恬交封

世子

安王盈 太祖第二十二子洪武二十五年封國平涼永樂十五年卒謚惠無子國除仍留典仗校尉百人守園

陵

唐王瑩 太祖第二十三子洪武二十四年封國南陽

王母 李賢妃永樂六年之國十三年卒謚定子瓊

永樂十九年嗣宣德元年卒謚靖無子弟瓊旦三年嗣

成化十一年卒謚憲世子先卒次芝止十五年以舞

陽王嗣二十三年卒謚莊子彌帝以穎昌王嗣

二年卒謚成無子文成王彌甘之子宇昱四年

父曰恭二十一年王獻金千兩銀萬兩助建

賜玉帶一增祿二百石

鄧王東 太祖第二十四子洪武二十四年封國安陸之

國六年卒謚靖無子國除 王母 劉惠妃

伊王彝 太祖第二十五子洪武二十一年受封國河南

永樂六年之國歲祿僅二千石卒謚厲子顯史嗣卒謚

簡子勉得正統八年以上洛王嗣天順八年卒謚安

子諤丸成化二年嗣十一年卒謚悼無子弟諤

年以 邾城王嗣正德三年卒謚定子訐胤弘治三年

封世子正德六年嗣嘉靖五年卒謚莊無子弟訐

年以 濟源王嗣訐言祿薄 先朝乞得河南課鈔

五萬七千七百貫准祿米八年革 諸王乞稅租田湖

伊府課鈔亦在革中乞補祿戶部言伊祿二千石通給本色 英宗加米五百石 憲宗又加麥一百五十石課鈔本成化弘治正德年請乞非永樂以前 欽賜比况河南一省 諸王缺祿八千餘萬石不許二十一年卒謚增敬子典英以世子嗣嘉靖末有罪國除

南 太祖第二十六子在 諸王中最少洪武二十六年十二月生未逾月而卒

按金聲玉振載天潢玉牒云 太祖皇子二十四人第四子 今上第五子 周王 高后所生也長 懿文太子第二子 秦愍王第三子 晉恭王 諸母所生也第六子 楚王第七子 齊王第八子除名 潭王

第九子 魯荒王第十子 蜀王第十二子 代王第十八子 谷王第二十二子 唐王第二十三子 郢王第二十四子 伊王 皇妃所生也第十一子 湘獻王第十三子 肅王第十九子 韓王第二十子 潘王 皇貴嬪所生也第十四子 遼王第十五子 慶王第十七子 岷王 皇貴人所生也第十六子 寧王第二十一子 安王 皇美人所生也載頗不同 始記以俟考云

續文獻通考卷之一百九十四終

皇貴人祔主也第十六子  
 肅王第十三子 肅王第十四子 肅王第十五子  
 王第二十四子 王第二十五子 皇貴人祔主也第十七子  
 十八子 谷王第二十二子 惠王第二十三子  
 第廿四子 皇貴人祔主也第廿五子 王第廿六子  
 皇貴人祔主也第廿七子 皇貴人祔主也第廿八子  
 皇貴人祔主也第廿九子 皇貴人祔主也第三十子

續文獻通考卷之一百九十五

皇明進士雲間王圻纂輯

封建考 皇明同姓下

太祖洪武戊寅建文即位夏閏五月十六日封 皇弟允通為  
 吳王 允熙為衡王 允熙為徐王又有 虞王者  
 懿文太子之長子也名雄英洪武十五年生五月朔卒  
 追封 虞王謚曰懷壘鍾山 是年廢 周王肅為庶  
 人徙雲南時 諸王各擁重兵流言 諸王謀不利于  
 社稷又聞 燕府密協 周齊湘代岷起事 建文  
 一日御東角門 召齊泰黃子澄至有隱謀子澄首建  
 削奪議請如漢七國故事 建文惟二人為聽又一日



朝罷召子澄入曰先生憶昔東角門之言乎子澄對曰不敢忘也然事幾須密子澄退遂及齊秦謀之秦曰燕王志不小且握重兵宜先子澄曰燕難猝圖宜先周周削燕之手足剪矣上遂遣曹國公李景隆調兵猝至河南圍之執周王及其世子宮眷等至京削為庶人遷之雲南遣代王主如蜀時蜀王以賢聞代王貪虐不靖朝廷不忍違親方孝孺請以德化導之遂有是命蓋使之相觀于蜀云閏五月燕王入臨至淮安而返初太祖大漸遺詔諸王哭臨惟在本國毋得奔走又令王國所在吏民軍士悉聽朝廷節制至是太祖崩朝廷遵

遺詔止諸王皆怒燕王至淮安齊秦言于

上遣使齎勅符勒歸遂還燕十月燕府簡壯

士為護衛初太祖勅諸王得自選兵及是燕聞齊黃議加兵藩封又周王見執因

自備十二月召齊王專入朝免為庶人遂拘留之

已卯建文元年夏削岷府護衛誅其指揮宗麟岷王

性頗寬悖遂及西平侯構怨朝廷降勅切責之革

其護衛以麟導惡誅之詔王國所在惟國事聽

王其文武吏士聽朝廷王不得節制九月朔監

察御史韓郁上疏云臣聞人主親其親然後不獨親其

親茲陛下講之有素行之方篤而佐之無人以致激

變蓋諸王以言其親則太祖之遺體也以言其貴

則 孝康之手足也以言其尊則 陛下之叔父也彼  
雖可廢而 太祖之遺體不可殘也親之手足不可缺  
叔父之恩不可虧也且使 二帝在天之靈子孫身爲  
天子而使厥子厥弟遭殘戮是則其心何如哉臣每  
念至此未嘗不爲之流涕也此皆殘酷豎儒持一己偏  
見廢天下之大公或者病 藩封之太重謀貶削之權  
衡疑之太過慮之太深所以流而至此也方 周王不  
軌之際進言則曰六國反叛漢帝未嘗不削也執法則  
曰三叔流言周公未嘗不誅也遂使 周王父子流離  
播遷有甚于周公之誅管蔡者矣天啓亡齒寒人人自  
危 周王既竄 湘王自焚 代王被廢而齊臣又告

王反矣爲計者必曰兵不舉則禍必加是則 朝廷  
執政激之使然 燕舉兵兩月矣前後調發者不下五  
十餘萬而一矢無獲謂之 國有謀臣可乎將不効謀  
士不效力徒使中原無辜赤子困于道路迫于轉輸民  
不聊生日甚一日 九重之慮無已出入進退預 國  
大事者方且洋洋自得若無事然由此觀之彼其助  
陛下用削 藩國者果何心哉諺曰親者割之而不斷  
疎者續之而不堅殊有理也 陛下誠不察此臣愚以  
爲不待十年必有噬臍之悔矣伏望少垂洞鑒與滅繼  
絕釋 齊王之囚封 湘王之墓還 周王子京師迎  
楚蜀爲周公俾其各命 世子持書勸 燕罷兵守

藩以慰 宗廟之靈明 詔天下撥亂反正篤厚親  
親 宗社幸甚不報

前軍都督府左斷事高巍上書借漢為喻略云漢高祖  
提三尺劍滅無道秦大封同姓分王天下之半雖曰遠  
慮然卒遺文景以不治之痼疾賈誼治安疏所謂股大  
于腰指幾于股者也賴文帝含忍容之尚不免于斗粟  
尺布之謚景帝雖寬厚然輔以晁錯之深刻遂挑六國  
之禍非命將得人民心輔漢幾危社稷則錯不能辭其  
責矣我 太祖高皇帝之起與漢高同而神武過之中  
國既定體三代之良法擇形勝之要地封建 諸子陝  
西百二山河其人鷲悍西鄰土番故以 藩王之長

秦府王之山西表裏山河地產良馬而其人剛壯所謂  
山西將者是也北近于胡虜故以 晉府王之 燕國  
雖無名山大川之限隔其南冀州真保大名等府所謂  
桑土之野坦平肥沃供賦饒衍北雖沙漠不毛然廣蓄  
馬羊其人不耕不蚕皮衣肉食弓馬是務遼金殘元籍  
之以興故以 燕府王之四川雖曰西南一隅山川阻  
深劉備據之虎視吳魏故以 蜀府王之其餘 楚湘  
齊宛寧遼代谷慶肅星羅棋布比之古制雖皆分封過  
當然 太祖之意欲護中國而屏四夷也今各處 親  
王多驕逸不法違犯 朝制不削則紀綱不立削之則  
傷親親之恩有難處者賈誼曰欲天下治安莫若眾建

諸侯而少其力力少則易使以義國小則無邪心當今  
之世以臣愚見不宜用晁錯削奪之策當行主父偃下  
推恩之令 秦晉燕蜀子弟分王于齊苑吳楚潭湘子  
弟分王于 秦晉燕蜀其餘 寧遼代慶肅等府比類  
而分王之以少其力而減其地如此則 藩王之權不  
削而自弱矣臣又願 陛下益隆親親之禮歲時伏臘  
使人饋問其賢如漢之河間東平者下 詔褒賞驕溢  
不法如淮南濟川者初犯則容再犯則赦之三犯而不  
改者當告 親王告 太廟削其地而廢處之豈有不  
順服者哉夫天下亦猶夫人之身也昔賈誼見漢諸侯  
彌盛故以脛腰指腹爲喻今臣則以一身百體爲譬

皇上乃天君一心也 諸藩封則五臟耳目鼻口暨  
手足也五臟酸甘嗜欲不同手足安逸亦異至如目好  
色耳好音紛紜不齊苟天君從百體之好則何以具衆  
理而宰萬物亦在乎制其撓吾心者而已醫書云智者  
能調五臟五臟旣和不惟無腹心之疾雖疥癬亦無自  
生也噫五臟和而一身安一家和而天下安孟子曰言  
舉斯心加諸彼而已不報

按二疏則當時諸臣謀國之疎亦可槩見孰爲齊秦黃  
子澄方孝孺之死而盡非其罪也耶

洪武壬午夏六月己巳 成祖初政復 周王 齊

王 封爵 是年降吳王允 爲廣澤王 衡王

允堅為懷恩王居江西建昌徐王允熙為敷惠王隨母居呂

太子永樂元年癸未夏賜書戒代王圭及隆

岷府官職事初二王在建文時以不道譴至是

代王仍縱暴殺人取物岷府所為多不法擅拘諸司

印激變夷人故罪之二年甲申春三月封次子高煦

為漢王三子高遂為趙王改敷惠王允熙為

甌寧王隆廣澤王允通懷恩王允堅為庶人以

王不能諫詔曰帝王之道立愛惟親為子不祗不及

于父朕皇考皇妣咸有一德克享天心創業

垂統傳之萬世朕長兄懿文皇太子降生弗永胤

子允文幼冲嗣位昏愚自暴顛覆成章崇信奸邪戎害

骨肉天下蕩然社稷幾墜朕惟祖宗積德之勤

父皇母后創業之艱不得已起兵賴天之祐內難廓

清允文罪惡貫盈闔宮赴火諸臣民同詞勸進朕以

宗社為重勉徇輿情君臨大寶長兄諸王允通允堅

仍襲王封不意允通允堅弗知省躬自生疑對朕以長

兄至情不忍譴責免為庶人以保全之朕痛切于心常

存念慮長兄未有承嗣其第四子允熙生有四年矣茲

特封歐寧王世守懿文皇太子之嗣嗚呼協和之道

睦族為先惇叙之仁繼祖為大用展同氣之情庶續

親親之義考吳庶人永樂十三年卒英宗復辟出吳

庶人居鳳陽但有庶母姊妹老嫗五六人時

年八十矣歐寧王以奉太子祀未之國永樂

四年即中忽火起驚仆地卒年十六謚哀簡十四

年丙申春二月 谷王惠有罪徵入京免為庶人 國  
除初靖難兵起 王走還京及靖難兵渡江時 王守  
金川門開門迎 駕 成祖正位寵賜甚優官其護衛  
指揮僉事張興為都督僉事儀衛正張成為都指揮使  
已而改封長沙在國驕橫時尚書茹瑺道長沙不朝見  
被劾奏繫獄死 王益肆無忌造戰船弓弩器械招匿  
亡命習兵戰陣日與張成及宦者吳智劉信等謀拜成  
師尚父智信國老又偽作識書以為識有十八云我  
高皇十八子陰傳播惑眾又製巧燈上獻擇壯士入  
朝架燈又選壯士習音樂與燈並進欲乘間為變又奪  
民田侵公稅殺無罪人時長史盧廷綱以強諫磔殺張

興懼禍及已因奏事北京白其狀 上未信興過南京

啓 太子曰臣冒死以聞 上顧不信臣言臣萬死願

殿下垂聽憶臣言他日得無連坐族臣臣死不朽惠

又遣劉信持所為識致書 蜀王為隱語曰德蒼時不

可言桓文之事桓文時不可言德蒼之施欲結 蜀王

為援 蜀王切責不聽已而 蜀王子 崇寧王悅尊

得罪于父投惠納悅尊因詭眾曰往年我開金川門

出建文君建文君今在我宮中我將舉事為建文君復

辟事將發會 蜀王上變 成祖嘆曰朕待惠厚不宜

有此心 蜀王忠孝又不宜欺我張興為我言我不忍

信今果然 命中官特 勅諭惠遣悅尊還蜀惠不意

使猝至不得已就徵十月至京入見 上出 蜀王疏

惠頓首伏罪請死時成國公朱勇都御史劉觀及諸大

臣 廷劾 惠曰周辟管蔡漢戮安長皆大義滅親 陛

下縱念 惠柰天憲何 成祖曰 惠朕弟朕且令諸兄弟

議明年正月 楚王 貞等各上議曰 惠違 祖訓謀為

不軌踪跡甚著大逆無道罪誅不赦 成祖曰 諸王

奉大議 國法固爾吾寧生 惠二月削 惠及其二子賦

為賦 倫爵為庶人誅諸通謀者與以先發庶人罪狀得

免至景泰五年徙谷庶人賦 欣安置南京不再傳亦絕

其居第并于齊庶人云 二十二年冬十月封 次子

瞻 交等八人為王初瞻 良永樂十九年卒葬西山至是

贈斬王 仁宗誤也 成祖第二子母 李貴妃國鳳翔正統八年

往懷慶成化二年卒謚靖子初 英弘治八年卒謚簡先

是世子見 茲卒以子祐 公封世子尋嗣王贈父曰僖祐

公正德二年卒謚康無嗣見 茲弟 東垣端惠王見 貢

子祐 畢嗣王贈父曰定祐 畢十六年卒謚懿子厚 完嘉

靖六年嗣 世宗南狩 王出廷 詔歲加米三百石

後以諫事玄削爵錮高墻隆慶元年復國加祿米四百

石 越王瞻 庸 成祖第三子受封越王未之國卒謚靖葬西

山

襄王瞻善 成祖第四子母 仁皇后國長沙宣德四年

之國正統元年徙襄陽巳巳之變 王上章 聖烈慈

壽皇太后請發府庫募勇敢圖恢復以鞏 宗社後

英宗于官中檢得其疏 召王入朝相見甚歡 宴便

殿 王避席請曰臣過汴汴父老遮道言按察使王槩

賢被誣 詔獄臣途中詢槩入咸謂槩冤願 皇上加

察 上立命法司雪槩陛辭 上送至午門 王伏地

若有請 上曰叔父欲何言 王頓首曰萬方望治如

饑渴願 皇上省刑薄斂 上拱手謝曰謹受教四年

又入朝 上為峴山漢水賦襄陽四景歌 賜之成化

戊戌卒年七十二謚憲子祁肅 嗣弘治元年卒謚定子

見叔 嗣明年卒謚簡子祐才 嗣十七年卒謚懷無子弟

祐質 以 光化王嗣

荆王瞻岡 成祖第五子母 張順妃國建昌宣德四年

之國正統四年徙蘄州 王天資秀敏嗜學每遇 朝

廷大慶必祗愼蕭恭初無倦容尤善屬文景泰四年卒

謚憲子祁高 嗣天順五年卒謚靖子見肅 嗣弘治五年

坐不法 命太監蕭敬駙馬都尉蔡震都御史戴珊

召王至遂并其長子祐丙 降庶人安置武昌見肅 弟見

專 成化二年封 都梁王十三年卒謚悼惠子祐間 弘

治七年以 都梁王嗣十七年卒謚和子厚全 嗣

淮王瞻與 成祖第六子母 李賢妃國韶州正統元年



徒饒州十一年卒謚靖子祁全嗣尋卒謚康世子見廉

早卒以弟清江王見殿子祐啓嗣嘉靖二年卒謚定無

嗣弟鎮國將軍祐癸四年嗣十六年卒子厚壽嗣

滕王瞻端成祖第七子母郭貴妃年十七卒于京謚

懷懿西山

梁王瞻白成祖第八子母恭肅郭貴妃國安陸宣德

四年之國正統六年卒謚莊無子國除

衛王瞻延成祖第九子封惠王未之國正統三年卒

謚恭無子國除

郕王祁玉宣宗弟宣德十年乙卯春正月封正統十四

年秋七月以郕王居守後即位是為景皇帝

天順元年春三月六日封次子見壽等四人為王歲

祿各本色米萬石

德王見壽英宗第二子國德州尋改濟南成化丙戌之

國乙巳以南旺湖請詔以漕渠故不許正德戊寅卒

謚莊子祐容正德辛巳嗣嘉靖庚子卒謚懿子厚敦巳

封世子卒謚懷順子載奉嗣追贈父厚敦曰懷景泰元

年五月丁未遣正使都督張軌副使吏部尚書何文淵

持節封裕陵第二子見青為榮王鄭端簡曉曰

即德王也但又二名未詳

秀王見對英宗第五子母高淑妃景泰三年生于南

王封秀王國汝寧時左長史劉誠獻千秋

日鑒錄 王閱之大喜比就封在途久民以為病左長  
史言之即令趣行抵國 王所居隘一宦豎言先師廟  
廣請移居之不聽卒謚懷葬西山無子國除

崇王見

畢

英宗第六子國汝寧成化十年之國弘治八

年秋七月傳 旨 祖母聖慈仁壽太皇太后年高念  
叔崇王欲得一見便寫 勅差官取來時禮部尚書倪  
岳上疏云今日之事有未便者三近聞黃河泛漲水高  
于岸平日波流湍急舟行已難加以泛漲洶湧必異常  
時 王欲來朝乃舟楫必經之地驚震之患所不能無  
保護之責誰敢當之此其未便者一也河南彰德衛輝  
二府自春徂夏一雨不霑寸草不生赤地千里人民流

動殆三之二夫馬艱窘不言可知 王欲來朝乃車馬

必經之地不獨供億之費無所給萬一盜賊乘時竊發  
震驚之患所不能無保護之責誰敢當之此其未便者  
二也二年之間 三王之國近自京師之軍民遠而所  
過之郡縣百倍供需十分騷擾官無所措手民不能聊  
生言之可為寒心見者欲為流涕今若加以 崇王來  
朝先發所及人心驚疑送往迎來勞費倍增瘡痍之民  
何以當此此其未便者三也又云奉 命來朝雖少遂  
一時欲見之心然欲別則難免眷戀不捨之情既去必  
倍增憂思不忘之念他日上厯 聖慮所未敢言雖欲  
悔之殆無及矣奉 旨卿說的是但朕承順 聖祖母

之意已有 旨既而下 制曰免 王來乙丑卒謚簡  
長子祐寧 嗣正德辛未卒謚靖長子厚翟 嗣嘉靖丁酉  
卒謚恭長子載竟 嗣時 王乞修府下巡撫議費銀八  
萬七千兩工部言 親王修府例役護衛儀牧人不得  
輒勞民 上不允十九年 王請父 恭王墓表禮部  
言 韓府襄陵莊穆王卒 憲宗嘗允其子範請令詞  
巨譔銘刻石 崇王曾祖皆嘗賜墓表請如 王奏  
上諭之曰 宗室薨逝給壙誌此 祖宗典制安得有  
賜表事 襄陵王立石已非例 韓崇兩王表墓皆  
先朝誤恩後有 王家乞請禮部宜考 累朝體例  
議覆

吉王見熒 英宗第七子景泰丙子生有異質既長尤嗜

學 慈懿皇太后尤鍾愛之國長沙成化乙未出就國

嘉靖丁亥卒年七十二謚簡子祐夫 弘治四年封 常

山王尋進封世子明年卒謚悼莊長子厚冒 封 吉世

孫嘉靖己丑嗣十年贈父曰悼明年乞長沙府湘潭商

稅不許卒謚定長子載勺 十九年嗣

許王見享 英宗第四子母 王惠妃景泰初封 許王

未之國三年冬十一月卒于京葬西山國除

忻王見台 英宗第八子母 宸妃某 天順二年生九歲

封 忻王七年卒于京葬西山國除

徽王見市 英宗第九子 常妃生天順年封徽弘治年

卒謚莊傳至載令削爵錮鳳陽

興王祐 憲宗第二子先封為 興王國安陸弘治七年

始就封生子一後即 位是為 世宗追上 興王徽

號曰 睿宗

岐王祐倫 憲宗第四子封為 岐王國德安既就國弘

治中請迎養母不許 詔諸王有子別居者得迎養其

母毋有子多亦從一子無子者移別官署為令 王尋

卒謚惠無子國除

益王祐賓 憲宗第五子封 益王國建昌毋 張德妃

嘉靖十八年卒謚 子四長厚華 正德四年封世子後

嗣王

雍王祐雲 憲宗第八子封為 雍王國衡州弘治四年

之國正德二年卒謚靖無子國除毋 孝惠太后生三

子 興王及 雍岐二王也

壽王祐者 憲宗第九子封為 壽王初國保寧正德元

年徙德安嘉靖年卒謚定無子國除

汝王祐亨 憲宗第十子封為 汝王國衛輝弘治十四

年之國嘉靖十八年 車駕南巡 王出迎于途甚恭

上喜加歲祿五百石 賜金幣嘉靖末卒無子國除

涇王祐彥 憲宗第十一子封為 涇王國沂州毋 楊

恭妃弘治十五年之國卒謚簡子厚全 嗣未幾卒無子

國除長史沈澗以 王卒故得南京鴻臚少卿

榮王祐區 憲宗第十二子封為 榮王國常德弘治四

年封 王生而英悟博藝善文嘉靖五年 御題崇議額

賜之 王益謹慎十八年卒謚莊子六長厚勳 正德

中封世子早卒謚懷穆子載謹 嘉靖十八年嗣追贈父

曰懷

申王祐皆 憲宗第十三子封為 申王與 涇王同母

五歲受封四川之叙州尋卒謚懿無子國除

衡王祐軍 憲宗第十六子封為 衡王國青州尋卒謚

恭

蔚王厚常 孝宗第三子母 孝康皇后 王早夭謚悼

堃西山

岳王厚胤 睿宗長子母 章聖皇太后弘治十三年六

月生五日而卒嘉靖丁亥十一月壬寅贈 岳王謚

懷墓在承天 上命大學士楊一清撰碑文有曰 王

生而月華呈瑞五日大風揚沙人甚異之而 王薨

裕王御名 世宗第二子嘉靖十八年巳亥春二月朔封

四十五年登極

景王載川 世宗第三子辛酉之國德安乙丑春正月薨

謚恭無子國除長史以下皆奪職

潞王翊 穆宗第二子封潞王萬曆二十 年之國衛輝

福王 今上第三子

瑞王 今上第五子

